

摘藻堂四庫全書薈要

子部

欽定四庫全書蒼要卷一萬一千一百二十六

子部

淮南鴻烈解卷十一

漢高誘注

齊俗訓

齊一也四字之風世之衆理皆混其俗令為一道也故曰齊俗

率性而行謂之道得其天性謂之德性失然後貴仁道失然後貴義是故仁義立而道德遷矣禮義飾則純樸散矣是非形則百姓眩矣珠玉尊則天下爭矣凡此四者衰世之造也末世之用也夫禮者所以別尊卑異貴賤義者所以合君臣父子兄弟夫妻朋友之際也今世

之為禮者恭敬而忤

忤害也音寘

為義者布施而德君臣以

相非骨肉以生怨則失禮義之本也故搆而多責

搆謂以權

相交權盡而交疏搆搆然也

夫水積則生相食之魚土積則生自穴

之獸禮義飾則生偽匿之本夫吹灰而欲無眯涉水而

欲無濡不可得也古者民童蒙不知東西貌不羨乎情

而言不溢乎行其衣致煖而無文其兵戈銖而無刃

楚人

謂刃頓為銖

其歌樂而無轉其哭哀而無聲鑿井而飲耕田

而食無所施其美亦不求得親戚不相毀譽朋友不相

怨德及至禮義之生貨財之貴而詐爲萌興非譽相紛

怨德並行於是乃有曾參孝已之美而生盜跖莊蹻之

邪故有大路龍旂羽蓋垂綏

大路天子車也龍旂龍旗

結駟連騎則

必有穿窬拊捷抽箕踰備之姦

抽握也箕後垣也

有詭文繁繡

弱錫錫羅紃弱錫細布也必有管屨跣此跣短褐不完

者

管茅也跣偶也跣通也楚人謂袍爲短褐大布

故高下之相傾也短修之相

形也亦明矣夫蝦蟇爲鶉

鶉鶉也

水蠆爲螻青蛉也音務子苾

皆生非其類唯聖人知其化

其化視陰入陽從陽入陰

夫胡人見贗

廢麻子也

不知其可以為布也越人見毳不知其可以

為旃也故不通於物者難與言化昔太公望周公旦受

封而相見太公望問周公曰何以治魯周公曰尊尊親

親太公曰魯從此弱矣

尊尊親親
仁者弱也

周公問太公曰何以

治齊太公曰舉賢而上功周公曰後世必有劫殺之君

舉賢上功則
民競故劫殺

其後齊日以大至於霸二十四世而田氏

代之

齊臣田氏奪
其君位代之

魯日以削至三十二世而亡

魯祿去
公室至

楚考烈
王滅之

故易曰履霜堅冰至聖人之見終始微言故糟

丘生乎象楷

紂為長夜之飲積糟成炮烙生乎熱升庖

進羹於紂熱以為惡以熱升殺之趙國升可以殺人故起炮烙

子路撻

蒸

溺而受牛謝

撻舉也升出弱人主謝以牛也

孔子曰魯國必好救人於患子贛贖人

而不受金於府

魯國之法贖人於他國者受金於府

孔子曰魯國不復贖

人矣子路受而勸德子贛讓而止善孔子之明以小知

大以近知遠通於論者也由此觀之廉有所在而不可

公行也故行齊於俗可隨也事周於能易為也矜偽以

惑世僥行以違眾聖人不以為民俗廣廈闊屋連闔通

房人之所安也鳥入之而憂高山險阻深林叢薄虎豹

之所樂也人入之而畏川谷通原積水重泉鼃鼃之所

便也人入之而死咸池承雲

皆黃帝樂

九韶

舜樂

六英

帝顓頊樂

人

之所樂也鳥獸聞之而驚深谿峭岸峻木尋枝猿狖之

所樂也人上之而慄形殊性詭所以為樂者乃所以為

哀所以為安者乃所以為危也乃至天地之所覆載日

月之所照詔使各便其性安其居處其宜為其能故

愚者有所修智者有所不足柱不可以摘的齒筐不可

以持屋

簷小簷也

馬不可以服重牛不可以追速

言

不可

以為刀銅不可以為弩鐵不可以為舟木不可以為金

各用之於其所適施之於其所宜即萬物一齊而無由

相過夫明鏡便於照形其於以函食不如簞犧牛粹毛

宜於廟牲其於以致雨不若黑蜥

黑蜥神蛇也潛於神淵蓋能興雲雨蜥音

庚由此觀之物無貴賤因其所貴而貴之物無不貴也

因其所賤而賤之物無不賤也夫玉璞不厭厚角觶

矯

不厭薄

角觶刀劍羽間之覆角也

漆不厭黑粉不厭白此四者相反

也所急則均其用一也今之裘與蓑孰急見雨則裘不

用升堂則蓑不御此代為常者也譬若舟車楫肆窮廬

故有所宜也

水宜舟陸地宜車沙地宜肆泥地宜楫草野宜窮廬

故老子曰不上

賢者言不致魚於木沈鳥於淵

物各因其宜故不須用賢

故堯之治

天下也舜為司徒契為司馬禹為司空后稷為大田師

奚仲為工其導萬民也水處者漁山處者木谷處者牧

陸處者農地宜其事事宜其械械宜其用用宜其人澤

臯織網陵阪耕田得以所有易所無以所工易所拙是

故離叛者寡而聽從者衆譬若播棊九於地員者走澤

方者處高各從其所安夫有何上下焉若風之遇簫

簫籟

也忽然感之各以清濁應矣夫獫狁得茂木不舍而穴

狙桓狝得埵系

防弗去而緣

狙狙豚也埵水埵也防堤也

物莫避其

所利而就其所害是故隣國相望雞狗之音相聞而足
迹不接諸侯之境車軌不結千里之外者皆各得其所
安故亂國若盛治國若虛亡國若不足存國若有餘虛
者非無人也皆守其職也盛者非多人也皆徼於末也

有餘者非多財也欲節事寡也不足者非無貨也民躁

而費多也故先王之法籍非所作也其所因也其禁誅

非所為也其所守也凡治物者不以物以睦治睦者

不以睦以人治人者不以人以君治君者不以君以

欲治欲者不於欲以性治性者不於性以德治德者不

以德以道原人之性蕪穢而不得清明者物或裸也

坊裸

也羌氏麋翟翟嬰兒生皆同聲

羌東戎氏南夷麋西夷翟北胡也

及其長

也雖重象狄驤

象狄驤驤也象傳狄驤之語也

不能通其言教俗殊也

今三月嬰兒生而徙國則不能知其故俗由此觀之衣

服禮俗者非人之性也所受於外也夫竹之性浮殘以

為牒束而投之水則沈失其體也金之性沈託之於舟

上則浮勢有所支也夫素之質白染之以涅則黑繅之

性黃染之以丹則赤人之性無邪久湛於俗則易易而

忘本合於若性

若性合於他性
自若本性也

故日月欲明浮雲蓋之

河水欲清沙石藏之人性欲平嗜欲害之惟聖人能遺
物而反己夫乘舟而惑者不知東西見斗極則寤矣夫

性亦人之斗極也有以自見也則不失物之情無以自

見則動而惑營譬若隴西之遊愈躁愈沈孔子謂顏回

曰吾服汝也忘

孔子諱自謂無知而服回此忘行也

而汝服於我也亦忘

雖然汝雖忘乎吾猶有不忘者存孔子知其本也夫縱

欲而失性動未嘗正也以治身則危以治國則亂以入

軍則破是故不聞道者無以反性故古之聖王能得諸

已故令行禁止名傳後世德施四海是故凡將舉事必

先平意清神神清意平物乃可正若璽之抑埴

璽印也埴泥也

正與之正

印正而封亦正

傾與之傾故堯之舉舜也決之於目

桓公之取甯戚也斷之於耳而已矣為是釋術數而任

耳目其亂必甚矣夫耳目之可以斷也反情性也聽失

於誹譽而目淫於采色而欲得事正則難矣夫載哀者

聞歌聲而泣載樂者見哭者而笑哀可樂者笑可哀者

載使然也是故貴虛

載疑作感虛者心無所載於哀樂也

故水擊則波興

氣亂則智昏智昏不可以為政波水不可以為平故聖

王執一而勿失萬物之情既矣四夷九州服矣夫一者

至貴無適於天下聖人記於無適故民命繫矣為仁者必以哀樂論之為義者必以取予明之目所見不過十里而欲遍照海內之民哀樂弗能給也無天下之委財而欲遍贍萬民利不能足也且喜怒哀樂有感而自然者也故哭之發於口涕之出於目此皆憤於中而形於外者也譬若水之下流烟之上尋也夫有孰推之者故強哭者雖病不哀強親者雖笑不和情發於中而聲應於外故釐負羈之壺餐愈於晉獻公之垂棘趙宣孟之

東脯賢於智伯之大鐘

智伯以大鐘滅仇由

故禮豐不足以效愛

而誠心可以懷遠故公西華之養親也若與朋友處曾

參之養親也若事嚴主烈君其養一也

公西華之養親若與朋友處睦

而少敬也烈酷也曾子事親其敬多故胡人彈骨越人嚙臂中國軟血也

所由各異其於信一也

胡人之盟約置酒人頭中飲以相詛刻臂出血殺牲軟血相與

為信三苗髻

過

首羌人括領中國冠笄越人鬻鬻其於服

一也

三苗之國在彭蠡洞庭之野髻以象束髮也括結也笄簪也鬻斷也

帝顓頊之法婦

人不辟男子於路者拂之於四達之衢

拂放也

今之國都

男女切跣

也跣足

肩摩於道其於俗一也故四夷之禮不

同皆尊其主而愛其親敬其兄獫狁之俗相反

獫狁北胡也

皆慈其子而嚴其上夫鳥飛成行獸處成羣有孰教之

故魯國服儒者之禮行孔子之術地削名卑不能親近

來遠越王句踐斲髮文身無皮弁搢

晉

笏之服

皮弁以爲爵冠

也搢佩紵紵佩玉也長三尺抒上終葵首

拘罷拒折之容

拘罷圜也拒折方也

然而勝

夫差於五湖南面而霸天下泗上十二諸侯皆率九夷

以朝胡貉匈奴之國縱體拖髮

也縱

箕倨反言而國不

亡者未必無禮也楚莊王裾衣博袍

裾袞也衣裾也

令行乎天

下遂霸諸侯晉文君大布之衣

大布粗布也

狎

贓

羊之裘韋

以帶劒威立于海內豈必鄒魯之禮之謂禮乎

鄒孟軻邑魯孔

子是故入其國者從其俗入其家者避其諱不犯禁而

入不迂逆而進雖之夷狄徒隸之國

徒隸不衣也

結軌乎遠

方之外而無所困矣禮者實之文也仁者恩之效也故

禮因人情而為之節文而仁發悌以見容

悌色也

禮不過

實仁不溢恩也治世之道也夫三年之喪是強人所不

及也而以偽輔情也三月之服是絕哀而迫切之性也

三月之服夏后氏禮

夫儒墨不原人情之終始而務以行相反之

制五縗之服

五縗謂三年暮九月五月三月服也

悲哀抱於情葬薶稱於

養不强人之所不能為不絕人之所能已度量不失於

適誹譽無所由生古者非不知繁升降繁還之禮也

髀

采齊肆夏之容也

采齊肆夏皆樂名也

以為曠日煩民而無所

用故制禮足以佐實喻意而已矣古者非不能陳鐘鼓

盛筦簫揚干戚奮羽旄以為費財亂政制樂足以合歡

宣意而已喜不羨於音非不能竭國廩民虛府殫財含

珠鱗施綸組節束

鱗施玉田也綸絮也束縛也

追送死也以為窮民

絕業而無益於槁骨腐肉也故葬葬足以收斂蓋藏而

已昔舜葬蒼梧市不變其肆

舜南巡狩死蒼梧葬九嶷山不煩市井之所廢

禹

葬會稽之山農不易其畝

禹會羣臣於會稽葬山陰之陽不煩農人之田畝

明

乎生死之分通乎侈儉之適者也亂國則不然言與行

相悖情與貌相反禮飾以煩樂優以淫崇死以害生久

喪以招行是以風俗濁於世而詐譽萌於朝是故聖人

廢而不用也義者循理而行宜也禮者體情制文者也

義者宜也禮者體也昔有扈氏為義而亡

有扈夏啓之庶兄以克舜

舉賢禹獨與子故伐啓啓亡之

知義而不知宜也魯治禮而削知禮而

不知體也有虞氏之祀其社用土

封土為社

祀中霤葬成畝

田畝而葬

其樂咸池承雲九韶

舜禹用黃帝樂九韶舜所作也

其服尚黃

土

德也故尚黃

夏后氏其社用松

所樹之木皆所生地之所宜也

祀戶

春祭先戶夏木

德也葬牆置嬰

嬰棺衣飾也

其樂夏籥九成六佾六列六英

九成

九變也六列六六為行列也六英禹兼用顓頊之樂

其服尚青

木德故尚青也

殷人之禮

其社用石

以石為社主也

祀門

秋祭先門殷金德也

葬樹松其樂大濩晨

露

大濩晨露湯所作樂

其服尚白

金德故尚白也

周人之禮其社用栗祀

竈

夏祭先竈周火德也鄒子曰五德之次從所不勝故虞土夏木殷金周火

葬樹柏其樂大

武三象棘下

三象棘下武象樂也

其服尚赤

火德故尚赤也

禮樂相詭服

制相反然而皆不失親疎之恩上下之倫今握一君之

法籍以非傳代之俗譬由膠柱而調琴也故明主制禮

義而為衣分節行而為帶衣足以覆形從典墳虛循撓

便身體適行步不務于奇麗之容隅背之削帶足以結

紐收衽束牢連固不亟於為文句疏短之鞅故制禮義
行至德而不拘於儒墨所謂明者非謂其見彼也自見
而已所謂聰者非謂聞彼也自聞而已所謂達者非謂
知彼也自知而已是故身者道之所托身得則道得矣
道之得也以視則明以聽則聰以言則公以行則從故
聖人財制物也猶工匠之斲削鑿枘也宰庖之切割分
別也曲得其宜而不折傷拙工則不然大則塞而不入
小則窕而不周動於心枝於手而愈醜夫聖人之斲削

物也剖之判之離之散之已淫已失復揆以一既出其
根復歸其門已雕已琢遂反於樸合而為道德離而為

儀表其轉入玄冥其散應無形禮義節行又何以窮至

治之本哉世之明事者多離道德之本曰禮義足以治

天下此未可與言術也所謂禮義者五帝三王之法籍

風俗一世之迹也譬若芻狗土龍之始成

芻狗束芻為狗以謝過求

福土龍以請雨

文以青黃絹以綺繡纏以朱絲尸祝禘祫

禘純服祫

墨齋衣也

大夫端冕

端冕冠也

以送迎之及其已用之後則壞土

草薊

出

而已夫有孰貴之故當舜之時有苗不服於是

舜修政偃兵執干戚而舞之時天下大雨禹令民聚土

積薪擇丘陵而處之武王伐紂載尸而行

尸文王之木主也

海

內未定故不為三年之喪始禹遭洪水之患陂塘之事

故朝死而暮葬此皆聖人之所以應時耦變見形而施

宜者也今之修干戚而笑鑣插

鑣插屬

知三年非一日是

從牛非馬以徵笑羽也以此應化無以異於彈一絃而

會棘下

棘下樂名一絃會之不可成也

夫以一世之變欲以耦化應時

譬猶冬被葛而夏被裘夫一儀不可以百發

儀弩招頻也射百發

遠近不可皆以一儀也

一衣不可以出歲儀必應夫高下衣必適

乎寒暑是故世異則事變時移則俗易故聖人論世而立法隨時而舉事尚古之世封於泰山禪於梁父七十餘聖法度不同非務相反也時世異也是故不法其已成之法而法其所以為法所以為法者與化推移者也夫能與化推移為人者至貴在焉爾故狐梁之歌可隨也其所以歌者不可為也聖人之法可觀也其所以作

法不可原也辯士言可聽也其所以言不可形也淳均
之斂不可愛也而歐冶之巧可貴也今夫王喬赤松子
吹嘔呼吸吐故內新遺形去智抱素反真以遊玄眇上
通雲天今欲學其道不得其養氣處神而放其一吐一
吸時詘時伸其不能乘雲升假亦明矣

王喬蜀武陽人
為伯入令得道

而仙赤松子上谷人病癘
入山道引輕舉假上也

五帝三王經天下細萬物齊

死生同變化抱大聖之心以鏡萬物之情上與神明為
友下與造化為人今欲學其道不得其清明玄聖而守

其法籍憲令不能為治亦明矣故曰得十利劒不若得
歐冶之巧得百走馬不若得伯樂之數樸至大者無形
狀道至眇者無度量故天之圓也不得規地之方也不
得矩往古來今謂之宙四方上下謂之宇道在其間而
莫知其所故其見不遠者不可與語大其智不閎者不
可與論至昔者馮夷得道以潛大川

馮夷河伯也華陰潼鄉隄首里人服

八石得

鉗且得道以處崑崙

鉗且得仙道升居崑崙山

扁鵲以治病

扁鵲盧醫姓秦名越人趙簡子時人

造父以御馬羿以之射雉以之斲

堯

時巧工也

所為者各異而所道者一也夫稟道以通物者無

以相非也譬若同陂而溉田其受水鈞也而屠牛而烹

其肉或以為醎或以為甘煎教燎炙齊味萬方其本一

牛之體伐梗柶豫樟而剖梨之

剖判梨分也

或為棺槨或為

柱梁披斷撥棹

披解也撥析理也棹順也棹音遂

所用萬方然一木之

樸也故百家之言指奏相反其合道一體也譬若絲竹

金石之會樂同也其曲家異而不失於體伯樂韓風秦

牙管青

四子皆古善相馬者

所相各異其知馬一也故三皇五帝

法籍殊方其得民心鈞也故湯入夏而用其法武王入

殷而行其禮桀紂之所以亡而湯武之所以為治故剖

几凡剔厥銷削鋸陳非良工不能以制木鑪橐埤坊設鑪

埤皆治具也坊土形也非巧治不能以治金屠牛一朝解九牛

而刀以剃毛屠牛吐齊之大庖丁用刀十九年而刀如新

剖庖丁齊屠伯也新剖何則游乎衆虛之間衆虛之間剖中

理也若夫規矩鉤繩者此巧之具也而非所以巧也故瑟

無絃雖師文不能以成曲師文樂師徒絃則不能悲故絃悲

之具也而非所以為悲也若夫工匠之為連鑱運開陰

閉眩錯

連鑱鑱發也運開相通也陰閉獨閉也眩因而相錯也

入於冥冥之眇神

調之極游乎心手衆虛之間而莫與物為際者父不能以教子瞽師之放意相物寫神愈舞而形乎絃者兄不能以喻弟今夫為平者準也為直者繩也若夫不在於繩準之中可以平直者此不共之術也故叩宮而宮應彈角而角動此同音之相應也其於五音無所比而二十五絃皆應此不傳之道也故蕭條者形之君

蕭條深靜也

而寂漠者音之主也

微音生於寂漠

天下是非無所定世各是

其所是而非其所非所謂是與非各異皆自是而非人

由此觀之事有合於己者而未始有是也有忤於心者

而未始有非也故求是者非求道理也求合於己者也

去非者非批邪施也

施微曲也

去忤於心者也忤於我未必

不合於人也合於我未必不非於俗也至是之是無非

至非之非無是此真是非也若夫是於此而非於彼非

於此而是於彼者此之謂一是一非也此一是非隅曲

也夫一是非宇宙也今吾欲擇是而居之擇非而去之
不知世之所謂是非者不知孰是孰非老子曰治大國
若烹小鮮為寬裕者曰勿數撓

裕饒也

為刻削者曰致其

鹹酸而已矣晉平公出言而不當師曠舉琴而撞之跌

衽宮壁

跌衽至平公衣衽中宮壁

左右欲塗之

欲塗師曠所敗壁也

平公曰舍

之以此為寡人失孔子聞之曰平公非不痛其體也欲

來諫者也韓子聞之曰

韓子韓公子非

羣臣失禮而弗誅是縱

過也有以也夫平公之不霸也故賓有見人於宓子者

賤也
宓子

賓出宓子曰子之賓獨有三過望我而笑是擻

牽

也

擻慢也

談語而不稱師是返也交淺而言深是亂也

賓曰望君而笑是公也談語而不稱師是通也交淺而
言深是忠也故賓之容一體也或以為君子或以為小
人所自視之異也故趣舍合卽言忠而益親身疏卽謀
當而見疑親母為其子治_蓋禿而血流至耳見者以
為其愛之至也使在於繼母則過者以為嫉也事之情
一也所從觀者異也從城上視牛如羊視羊如豕所居

高也闕面於盤水則員於杯則隋面形不變其故有所
員有所隋者所自闕之異也今吾雖欲正身而待物庸
遽知世之所自窺我者乎若轉化而與世競走譬猶逃
雨也無之而不濡常欲在於虛則有不能為虛矣為者失之

執者敗之若夫不為虛而自虛者性自然也此所慕而不能致也

故通於道者如車軸不運於已而與轂致千里轉無窮
之原也不通於道者若迷惑告以東西南北所居聆聆

曉聆聆意

一曲而辟

辟小邪

然忽不得復迷惑也故終身

隸於人辟若覩

謹

之見風也

凡候風者也世所謂五兩

五大旗

無須吏之間定矣故聖人體道反性不化以待化

則幾於免矣

無為以待有為免世難也

治世之體易守也其事易

為也其禮易行也其責易償也是以人不兼官官不兼

事士農工商鄉別州異是故農與農言力士與士言行

工與工言巧商與商言數是以士無遺行農無廢功工

無苦事商無折貨各安其性不得相干故伊尹之興土

功也修脛者使之跼鑣

長脛以跼插者使入深鑣音翼

強脊者使之負

土背強者眇者使之准

目不正
因令

偃者使之塗

偃人塗地
因其俛也

各有所宜而人性齊矣胡人便於馬越人便於舟異形

殊類易事而悖失處而賤得勢而貴聖人總而用之其

數一也夫先知遠見達視千里人才之隆也而治世不

以責於民

言上不以已
求備於下也

博聞強志口辯辭給人智之美

也而明主不求於下教世輕物不汙於俗士之伉行

也而治世不以為民化神機陰閉剗剗無迹人巧之妙

也而治世不以為民業故養弘師曠先知禍福言無遺

策而不可與衆同職也公孫龍折辯抗辭別同異離堅

白

公孫龍趙人好分折詭異之言以白馬不得合為一物離而為二也

不可以衆同道也

北人無擇非舜而自投清泠之淵

北人無擇古隱士非舜非其德之衰

不

可以為世儀魯般墨子以木為鳶而飛之三日不集而

不可使為工也故高不可及者不可以為人量行不可

逮者不可以為國俗夫契輕重不失銖兩聖人弗用而

縣之乎銓衡視高下不差尺寸明主弗任而求之乎浣

準

浣準水望之平

何則人才不可專用而度量可世傳也故國

治可與愚守也而軍制可與權用也夫待驂褭褭飛兔

而駕之則世莫乘車

驂褭良馬飛兔其子褭兔走蓋皆一日萬里也

待西施毛

嬙而為配則終身不家矣

西施毛嬙古好女也

然非待古之英俊

而人自足者因所有而並用之夫騏驎千里一日而通

駑馬十舍旬亦至之

旬十里也

由是觀之人材不足專恃而

道術可公行也亂世之法高為量而罪不及重為任而

罰不勝危為禁而誅不敢民困於三責則飾智而詐上

犯邪而干免

干求也

故雖峭法嚴刑不能禁其姦何者力

不足也故諺曰鳥窮則喙啄獸窮則羶觸人窮則詐此

之謂也道德之論譬猶日月也江南河北不能易其指

馳騫千里不能易其處趨舍禮俗猶室宅之居也東家

謂之西家西家謂之東家雖臯陶為之理不能定其處

故趨舍同誹譽在俗意行鈞窮達在時湯武之累行積

善可及也其遭桀紂之世天授也今有湯武之意而無

桀紂之時而欲成霸王之業亦不幾矣昔武王執戈秉

鉞以伐紂勝殷搢笏杖受木以臨朝杖也武王既沒殷民

叛之周公踐東宮

東宮太
子之宮

履乘石

人君升車
有乘石也

攝天子之

位負扆而朝諸侯

戶牖之間
謂之扆

放蔡叔誅管叔克殷殘商

祀文王于明堂七年而致政成王夫武王先武而後文

非意變也以應時也周公放兄誅弟非不仁也以匡亂

也故事周於世則功成務合於時則名立昔齊桓公合

諸侯以乘車退誅於國以斧鉞晉文公合諸侯以革車

退行於國以禮義桓公前柔而後剛文公前剛而後柔

然而令行乎天下權制諸侯鈞者審於勢之變也顏闔

魯君欲相之

顏闔魯隱士

而不肯使人以幣先焉鑿培而遁

之

培屋後牆也

為天下顯武

楚人謂士為武

使遇商鞅申不害刑及

三族又况身乎世多稱古之人而高其行並世有與同

者而弗知貴也非才下也時弗宜也故六騏驥駟馱馱

馱馱北翟之良馬也

以濟江河不若窾木便者

窾空也

處世然也是

故立功之人簡於行而謹於時今世俗之人以功成為

賢以勝患為智以遭難為愚以死節為戇

壯

吾以為各

致其所極而已王子比干非不知箕子被髮佯狂以免

其身也然而樂直行盡忠以死節故不為也伯夷叔齊
非不能受祿任官以致其功也然而樂離世伉行以絕
衆故不務也許由善卷非不能撫天下寧海內以德民
也然而羞以物滑和故弗受也豫讓要離

豫讓智伯臣
要離吳王闔

閭臣非不知樂家室安妻子以偷生也然而樂推誠行必
以死主故不留也今從箕子視比干則愚矣從比干視
箕子則卑矣從管晏視伯夷則戇矣從伯夷視管晏則
貪矣趨舍相非嗜欲相反而各樂其務將誰使正之曾

子曰擊舟水中鳥聞之而高翔魚聞之而淵藏故所趨

各異而皆得所便故惠子從車百乘以過孟諸

惠子名施仕為

梁相視車百乘志尚未足孟諸宋澤

莊子見之弃其餘魚

莊子名周蒙人隱而不仕見惠

施之不足故弃餘魚 鯈

胡飲水數斗而不足

鯈胡汙澤鳥

鯈善鮪

委

入口若露而死

鯈鮪魚名

智伯有三晉而欲不贍

三晉智伯兼范中行

地贍足也

林類策啓期衣若縣衰而意不慊

林類策啓期皆隱士慊恨也

由此觀之則趣行各異何以相非也夫重生者不以利

害己立節者見難不苟免貪祿者見利不顧身而好名

者非義不苟得此相為論譬猶冰炭鈎繩也何時而合
若以聖人為之中則兼覆而并之未有可是非者也夫
飛鳥主巢狐狸主穴巢者巢成而得棲焉穴者穴成而
得宿焉趨舍行義亦人之所棲宿也各樂其所安致其
所躋謂之成人也躋至故以道論者總而齊之治國之道

上無苛令官無煩治士無偽行工無淫巧其事經而不
擾其器完不飾亂世則不然為行者相揭以高揭為禮

者相矜以偽車輿極於雕琢器用極於刻鏤求貨者爭

難得以為寶。詆文者處煩撓以為慧，爭為佞辯久積而不訣，無益於治。工為奇器，歷歲而後成，不周於用。故神農之法曰：「大夫丁壯而不出，天下有受其饑者；婦人當年而不織，天下有受其寒者；故身自耕，妻親織，以為天下先其導民也。不貴難得之貨，不器無用之物，是故其耕不強者無以養生，其織不強者無以揜形，有餘不足各歸其身。衣食饒溢，姦邪不生，安樂無事而天下均平。」故孔丘曾參無所施其善，孟賁成荊無所行其威。

成荊古勇

也士衰世之俗以其知巧詐偽飾衆無用貴遠方之貨珍

難得之財不積於養生之具澆天下之淳

澆薄也 淳厚也

析天

下之樸牯服馬牛以為牢滑亂萬民以清為濁性命飛揚皆亂以營貞信漫瀾人失其情性於是乃有翡翠犀

象黼黻文章以亂其目芻豢黍粱荆吳芬馨以噍藍其

口

荆吳國也 芬珍味 噍貪求也

鐘鼓管簫絲竹金石以淫其耳趨舍

行義禮節謗議以營其心於是百姓糜沸豪亂暮行逐

利煩挐澆淺

澆薄也 既薄尚澆也

法與義相非行與利相反雖十

管仲弗能治也且富人則車與衣纂錦纂繪也馬飾傳旄

象帷幕茵席綺繡條組青黃相錯不可為象貧人則夏

被褐帶索含菽飲水以充腸以支暑熱冬則羊裘解札

解札裘敗解也短褐不掩形而煬竈口煬炙也故其為編戶齊民

無以異然貧富之相去也猶人君與僕虜不足以論之

夫乘奇技偽邪施者自足乎一世之間守正修理不苟

得者不免乎饑寒之患而欲民之去末反本由是發其

原而壅其流也夫雕琢刻鏤傷農事者也綿繡纂組害

女工者也農事廢女工傷則饑之本而寒之原也夫饑寒並至能不犯法干誅者古今之未聞也故仕鄙在時不在行利害在命不在智夫敗軍之卒勇武遁逃將不能止也勝軍之陳怯者死行懼不能走也故江河決沈一鄉父子兄弟相遺而走爭升陵阪上高丘輕足先升不能相顧也世樂志平見鄰國之人溺尚猶哀之又况親戚乎故身安則恩及鄰國志為之滅身危則忘其親戚而人不能解也游者不能拯溺手足有所急也灼者

不能救火身體有所痛也夫民有餘即讓不足則爭讓
則禮義生爭則暴亂起扣門求水莫弗與者所饒足也
林中不賣薪湖上不鬻魚所有餘也故物農則欲省求
贍則爭止秦王之時或人殖子利不足也生子殺劉氏
持政獨夫收孤財有餘也漢也故世治則小人守政
而利不能誘也世亂則君子為姦而法弗能禁也

淮南鴻烈解卷十一

總校官庶吉士

臣

侍

朝

校對官助教

臣

金學詩

謄錄監生

臣

徐士俊

欽定四庫全書薈要

子部

淮南鴻烈解卷十二

三



臣董誥詳校

詳校官主事臣陳本

欽定四庫全書蒼要卷一萬一千一百二十七

子部

淮南鴻烈解卷十二

漢高誘注

道應訓

道之所行物動而應考之禍福以知驗符也故曰道應

太清問於無窮曰子知道乎無窮曰吾弗知也

太清元氣之清

無形也無窮

又問於無為曰子知道乎無為曰吾知道

無為

有形故知道也

子之知道亦有數乎無為曰吾知道有數曰其

數奈何無為曰吾知道之可以弱可以強可以柔可以剛可以陰可以陽可以窈可以明可以包裹天地可以

應待無方此吾所以知道之數也太清又問於無始曰

無始未始有之氣也

鄉者吾問道於無窮曰吾弗知之又問於無

為無為曰吾知道曰子之知道亦有數乎無為曰吾知道有數曰其數奈何無為曰吾知道之可以弱可以強可以柔可以剛可以陰可以陽可以窈可以明可以包裹天地可以應待無方吾所以知道之數也若是則無為知與無窮之弗知孰是孰非無始曰弗知之深而知之淺弗知內而知之外弗知精而知之粗太清仰而嘆

曰然則不知乃知邪知乃不知邪孰知知之為弗知弗知之為知耶無始曰道不可聞聞而非也道不可見見而非也道不可言言而非也孰知形之不形者乎故老子子曰天下皆知善之為善斯不善也故知者不言言者不知也白公問於孔子曰人可以微言

白公楚平王孫太子建之子勝也建

見我白公怨而欲復讐故問微言也

孔子不應

知白公有陰謀故不應也

白公曰若以

石投水中何如曰吳越之善沒者能取之矣曰若以水

投水何如孔子曰菑

菑澠敬

之水合易牙嘗而知之

菑澠

齊二水名白公曰然則人固不可與微言乎孔子曰何謂不

可誰知言之謂者乎夫知言之謂者不以言言也

言不以言

之知爭魚者濡逐獸者趨非樂之也故至言去言至為無

為夫淺知之所爭者末矣白公不得也故死於浴室

楚說

白公於浴室之地也

故老子曰言有宗事有君夫唯無知是以不

吾知也白公之謂也惠子為惠王為國法

惠王梁惠王惠子惠施也

已成而示諸先生先生皆善之奏之惠王惠王甚說之

以示翟煎曰善惠王曰善可行乎翟煎曰不可惠王曰

善而不可行何也翟煎對曰今夫舉大木者前呼邪許

虎

後亦應之此舉重勸力之歌也豈無鄭衛激楚之音

哉然而不用者不若此其宜也治國有禮不在文辯故
老子曰法令滋彰盜賊多有此之謂也田駢以道術說

齊王

田駢
齊臣

王應之曰寡人所有齊國也道術難以除患

願聞國之政田駢對曰臣之言無政而可以為政譬之
若林木無材而可以為材願王察其所謂而自取齊國
之政焉已雖無除其患害天地之間六合之內可陶冶

而變化也齊國之政何足問哉此老聃之所謂無狀之

狀無物之象者也若王之所問者齊也田駢所稱者材

也材不及林林不及雨

雨然後材乃得生也

雨不及陰陽陰陽不

及和和不及道

道者未之由生之本也

白公勝得荊國不能以府

庫分人七日

白公墓得楚國貪其材積七日

石乙入曰

石乙白公之黨

不義得

之又不能布施惠必至矣不能予人不若焚之母令人

害我白公弗聽也九日葉公入

葉公楚大夫子高自方城之外入殺白公乃

發大府之貨以予衆出高庫之兵以賦民因而攻之十

有九日而擒白公夫國非其有也而欲有之可謂至貪

也不能為人又無以自為可謂至愚矣譬白公之嗇也

何以異於臬之愛其子也

臬子長食其母

故老子曰持而盈之

不如其已揣而銳之不可長保也趙簡子以襄子為後

董闕子曰無卹賤今以為後何也

董闕于趙氏臣無卹襄子之名簡子之庶

子簡子曰是為人也也能為社稷忍羞

襄子能柔能忍恥也

異日知

伯與襄子飲而批襄子之首大夫請殺之襄子曰先君

之立我也曰能為社稷忍辱豈曰能刺人哉處十月知

伯圍襄子於晉陽襄子疏隊而擊之

疏分也隊軍二百人為一隊分斯隊

卒擊之

大敗知伯破其首以為飲器

飲器枰榼也

故老子曰知

其雄守其雌其為天下谿齧缺問道於被衣

齧缺被衣皆堯時老

人被衣曰正女形壹女視天和將至攝女知正女度神

將來舍德將來附若美而道將為女居憇乎若新生之

犢而無求其故言未卒齧缺繼以讐夷

讐夷熟視不言貌

被衣

行歌而去曰形若槁骸心如死灰直實知不以故自持

墨墨恢恢無心可與謀彼何人哉故老子曰明白四達

能無以知乎趙襄子攻翟而勝之尤人終人

尤人終人翟之二邑

使者來謁之襄子方將食而有憂色左右曰一朝而兩城

下此人之所喜也今君有憂色何也襄子曰江河之大

也不過三日

三日而減也

飄風暴雨日中不須臾

言其不終日也今

趙氏之德行無所積今一朝兩城下亡其及我乎孔子

聞之曰趙氏其昌乎夫憂所以為昌也而喜所以為亡

也勝非其難者也賢主以此持勝故其福及後世齊楚

吳越皆嘗勝矣然而卒取亡焉不通乎持勝也唯有道

之主能持勝孔子勁杓國門之關

杓引也古者縣門下從上杓引之者難也

而不肯以力聞墨子為守攻公輸般服而不肯以兵知

墨子雖善為兵而不肯以知兵聞也善持勝者以強為弱故老子曰道冲

而用之又弗盈也惠孟見宋康王蹠足聲發歎咳疾言

曰寡人所說者勇有功也不說為仁義者也客將何以

教寡人惠孟對曰臣有道於此人雖勇刺之不入雖巧

有力擊之不中大王獨無意邪宋王曰善此寡人之所

欲聞也惠孟曰夫刺之而不入擊之而不中此猶辱也

臣有道於此使人雖有勇弗敢刺雖有力不敢擊夫不敢刺不敢擊非無其意也臣有道於此使人本無其意也夫無其意未有愛利之心也臣有道於此使天下丈夫女子莫不歡然皆欲愛利之心此其賢於勇有力也

四累之上也大王獨無意邪

此上凡四事皆累於世而男女莫不歡然為上也

宋王曰此寡人所欲得也惠孟對曰孔墨是已孔丘墨翟無地而為君無官而為長

無地為君以道富也無官為長以德尊也

天下

丈夫女子莫不延頸舉踵而願安利之者今大王萬乘

之主也誠有其志則四境之內皆得其利矣賢於孔墨

也遠矣宋王無以應惠孟出宋王謂左右曰辯矣客之

以說勝寡人也故老子曰勇於不敢則活由此觀之大

勇反為不勇耳昔堯之佐九人謂禹皋陶稷契伯夷舜之

佐七人皆與堯同臣武王之佐五人謂周公召公大堯

舜武王於九七五者不能一事焉然而垂拱受成功焉

善乘人之資也故人與驥逐走則不勝驥託於車上則

驥不能勝北方有獸其名曰蹇鼠前而蹇後鼠前足短後足長

故謂之蹶趨則頓走則顛常為蛩蛩駞巨驢虛取甘草以與

之蛩蛩駞驢前足長後足短故能乘虛而走不能上也蹶有患害蛩蛩駞驢必負

而走此以其能託其所不能故老子曰夫代大匠斲者

希不傷其手薄疑說衛嗣君以王術嗣君應之曰予所

有者千乘也願以受教薄疑對曰烏獲舉千鈞又况一

斤乎杜赫以安天下說周昭文君昭文君周襄分為西東各自立其君文

君謂杜赫曰願學所以安周赫對曰臣之所言不可則

不能安周臣之所言可則周自安矣此所謂弗安而安

者也故老子曰大制無割故致數與無與也魯國之法
魯人為人妾於諸侯有能贖之者取金於府子贛贖魯
人於諸侯來而辭不受金孔子曰賜失之矣夫聖人之
舉事也可以移風易俗而受教順可施後世非獨以適
身之行也今國之富者寡而貧者衆贖而受金則為不
廉不受金則不復贖人自今以來魯人不復贖人於諸
侯矣孔子亦可謂知禮矣故老子曰見小曰明魏武侯
問於李克曰

李克武侯之相

吳之所以亡者何也李克對曰數

戰而數勝武侯曰數戰數勝國之福其獨以亡何故也
對曰數戰則民罷數勝則主僇以僇主使罷民而國不
亡者天下鮮矣僇則恣恣則極慮上下俱極吳之亡猶
晚矣夫差之所以自剄於干遂也

越伐吳夫差所以自殺也

故老子

曰功成名遂身退天之道也甯越欲干齊桓公困窮無
以自達於是為商旅將任車

任載也

以商於齊暮宿於郭

門之外桓公郊迎客夜開門辟任車爇火甚盛

爇炬火也

從

者甚衆甯越飯牛車下望見桓公而悲擊牛角而疾商

歌桓公聞之撫其僕之手曰異哉歌者非常人也命後

車載之桓公及至從者以請桓公贛之衣冠而見說以

為天下桓公大說將任之羣臣爭之曰客衛人也衛之

去齊不遠君不若使人問之問之而故賢者也用之未

晚桓公曰不然問之患其有小惡也以人之小惡而忘

人之大美此人主之所以失天下之士也凡聽必有驗

一聽而弗復問合其所以也

合已聽知之
意所以用之

且人固難合

也權而用其長者而已矣當是舉也桓公得之矣故老

子曰天大地大道大王亦大域中有四大而王處其一
焉以言其能包裹之也大王亶父居邠翟人攻之事之
以皮帛珠玉而弗受曰翟人之所求者地無以財物為
也大王亶父曰與人之兄居而殺其弟與人之父處而
殺其子吾弗為皆勉處矣為吾臣與翟人奚以異且吾
聞之也不以其所養害其養杖策而去民相連而從之
遂成國於岐山之下

岐山今之美陽山其下有周地因以為天下號

大王亶父

可謂能保生矣雖富貴不以養傷身雖貧賤不以利累

形今受其先人之爵祿則必重失之所自來者久矣而輕失之豈不惑哉故老子曰貴以身為天下焉可以託天下愛以身為天下焉可以寄天下矣中山公子牟

中山

鮮虞之國謂詹子曰身在江海之上心在魏闕之下為之奈

何江海之上謂志在於已身心之魏闕也言內守詹子曰重生重生則輕利

重生

已之性也中山公子牟曰雖知之猶不能自勝則從之從之

神無怨乎言不勝已之情欲則當縱心意則已神無怨也不能自勝而強弗從

者此之謂重傷之人無壽類矣故老子曰知和曰常知

常曰明益生曰祥心使氣曰強是故用其光復歸其明也楚莊王問詹何曰治國奈何對曰何明於治身而不明於治國楚王曰寡人得立宗廟社稷願學所以守之詹何對曰臣未嘗聞身治而國亂者也未嘗聞身亂而國治者也故本任於身不敢對以末楚王曰善故老子曰修其身其德乃真也桓公讀書於堂輪人斲輪於堂下釋其椎鑿而問桓公曰君之所讀書者何書也桓公曰聖人之書輪扁曰其人在焉桓公曰已死矣輪扁曰

是直聖人之糟粕耳

糟酒滓也粕已漉之精也

桓公勃然作色而怒

曰寡人讀書工人焉得而譏之哉有說則可無說則死輪扁曰然有說臣誠以臣之斲輪語之太疾則苦而不

入

苦急意也

太徐則甘而不固

甘緩意也

不甘不苦應於手厭於

心而可以至妙者臣不能以教臣之子而臣之子亦不能得之於臣是以行年七十老而為輪今聖人之所言者亦以懷其實窮而死獨其糟粕在耳故老子曰道可道非常道名可名非常名昔者司城子罕相宋謂宋君

曰夫國家之安危百姓之治亂在君行賞罰夫爵賞賜

予民之所好也君自行之殺戮刑罰民之所怨也臣請

當之宋君曰善寡人當其美子受其怨寡人自知不為

諸侯笑矣國人皆知殺戮之專制在子罕也大臣親之

百姓畏之居不至期年子罕遂却宋君而專其政故老

子曰魚不可脫于淵國之利器不可以示人王壽負書

而行見徐馮於周

王壽古好書之人徐馮周之隱者也

徐馮曰事者應變

而動變生於時故知時者無常行書者言之所出也言

出於知者知者藏書於是王壽乃焚書而舞之

自喜焚其書故

舞也故老子曰多言數窮不如守中令尹子佩請飲莊王

子佩楚莊王之相請飲請置酒也

莊王許諾子佩疏揖北面立於殿下

疏徒跣也揖舉手也

曰昔者君王許之今不果往意者臣有罪乎

莊王曰吾聞子具於強臺強臺者南望料山以臨方皇

料山山名方皇水名也一曰山名

左江而右淮其樂忘死若吾薄德之

人不可以當此樂也恐留而不能反故老子曰不見可

欲使心不亂晉公子重耳出亡過曹無禮焉

曹共公聞重耳驕

使袒而捕魚
設簿以觀之

釐負羈之妻謂釐負羈曰君無禮於晉公

子吾觀其從者皆賢人也

從者狐偃趙衰之屬也

若以相夫子反

晉國必伐曹子何不先加德焉釐負羈遺之壺餒而加
璧焉重耳受其餒而反其璧及其反國起師伐曹剋之
令三軍無入釐負羈之里故老子曰曲則全正則直越
王句踐與吳戰而不勝國破身亡困於會稽忿心張膽
氣如涌泉選練甲卒赴火若滅然而請身為臣妻為妾
親執戈為吳兵先馬走果擒之於干遂

先馬走先馬前而走也

故

老子曰柔之勝剛也弱之勝強也天下莫不知而莫之

能行越王親之故霸中國趙簡子死未葬中牟入齊

中牟

自入臣於齊

已葬五日襄子起兵攻圍之未合而城自壞者

十丈襄子擊金而退之

軍法鼓以進衆鉦以退之

軍吏諫曰君誅中

牟之罪而城自壞是天助我何故去之襄子曰吾聞之

叔向曰君子不乘人於利不迫人於險使之治城城治

然後攻之中年聞其義乃請降故老子曰夫唯不爭故

天下莫能與之爭秦穆公請伯樂曰子之年長矣子姓

有可使求馬者乎

子姓謂伯樂子

對曰良馬者可以形容筋骨

相也相天下之馬者若滅若失若亡

若滅其相不可見也若失乍入乍出

也若亡鬐髯不及也

其一若此馬者絕塵弭轍

絕塵不及也弭轍絕塵不及也弭轍引迹疾也

臣

之子皆下材也可告以良馬而不可告以天下之馬臣

有所與供僦纏采薪者九方堙

纏索也九方堙人姓名也

此其於馬

非臣之下也請見之穆公見之使之求馬三月而反報

曰已得馬矣在於沙丘穆公曰何馬也對曰牡而黃使

人往取之牝而驪穆公不說召伯樂而問之曰敗矣子

之所使求者毛物牝牡弗能知又何馬之能知伯樂喟

然大息曰一至此乎是乃其所以千萬臣而無數者也

若堙之所觀者天機也得其精而忘其粗在內而忘其

外見其所見而不見其所不見視其所視而遺其所不

視若彼之所相者乃有貴乎馬者馬至而果千里之馬

故老子曰大直若屈大巧若拙吳起為楚令尹適魏問

屈宜若曰

屈宜若楚大夫
亡在魏者也

王不知起之不肖而以為令

尹先生試觀起之為人也屈子曰將奈何吳起曰將衰

楚國之爵而平其制祿損其有餘而綏其不足砥礪甲

兵時爭利于天下屈子曰宜若聞之昔善治國家者不

變其故不易其常今子將衰楚國之爵而平其制祿損

其有餘而綏其不足是變其故易其常也行之者不利

宜若聞之曰怒者逆德也兵者凶器也爭者人之所本

也今子陰謀逆德好用凶器始人之所本逆之至也

謂兵爭也

且子用魯兵不宜得志於齊而得志焉

吳起為將伐齊敗之

子用魏兵不宜得志於秦而得志焉

吳起為魏西河守秦兵不敢東下也

宜若聞之非禍人不能成禍吾固惑吾王之數逆天道

戾人理至今無禍差須夫子也

差須猶意須也

吳起惕然曰尚

可更乎屈子曰成形之徒不可更也

成形之徒刑已成於衆

子不

若敦愛而篤行之老子曰挫其銳解其紛和其光同其

塵晉伐楚三舍不止大夫請擊之莊王曰先君之時晉

不伐楚及孤之身而晉伐楚是孤之過也若何其辱羣

大夫曰先臣之時晉不伐楚今臣之時而晉伐楚此臣

之罪也請三擊之王俛而泣涕沾襟起而拜羣大夫晉

人聞之曰君臣爭以過為在已且輕下其臣不可伐也

夜還師而歸老子曰能受國之垢是謂社稷主宋景公

之時熒惑在心公懼召子韋而問焉

子韋司星者也

曰熒惑在

心何也子韋曰熒惑天罰也心宋分野

宋之分野上禍屬房心之星

且當君雖然可移於宰相公曰宰相所使治國家也而

移死焉不祥子韋曰可移於民公曰民死寡人誰為君

乎寧獨死耳子韋曰可移於歲公曰歲民之命歲饑民

必死矣為人君而欲殺其民以自活也其誰以我為君

者乎是寡人之命固已盡矣子韋無復言矣子韋還走
北面再拜曰敢賀君天之處高而聽卑君有君人之言
三天必有三賞君今夕星必徙三舍君延年二十一歲
公曰子奚以知之對曰君有君人之言三故有三賞星
必三徙舍舍行七里三七二十一故君移年二十一歲
臣請伏於陛下以伺之星不徙臣請死之公曰可是夕
也星果三徙舍故老子曰能受國之不祥是謂天下王
昔者公孫龍在趙之時謂弟子曰人而無能者龍不能

與遊有客衣褐帶索而見曰臣能呼公孫龍顧謂弟子

曰門下故有能呼者乎對曰無有公孫龍曰與之弟子

之籍後數日往說燕王至河上而航在一汜汜水涯也使善

呼之一呼而航來故曰聖人之處世不逆有伎能之

士故老子曰人無棄人物無棄物是謂襲明子發攻蔡

踰之子發楚宣王之將軍踰越勝之也宣王郊迎列田百頃而封之執

圭楚爵功臣賜以圭謂之執圭比附庸之君子發辭不受曰治國立政諸侯

入賓此君之德也發號施令師未合而敵遁此將軍之

威也兵陳戰而勝敵者此庶民之力也夫棄民之功勞而取其爵祿者非仁義之道也故辭而弗受故老子曰功成而不居夫唯不居是以不去晉文公伐原

原周邑周襄王

以原賜文公原叛伐之

與大夫期三日三日而原不降文公令去

之軍吏以原不過一二日將降矣君曰吾不知原三日而不可得下也以與大夫期盡而不罷失信得原吾弗為也原人聞之曰有君若此可弗降也遂降溫人聞亦請降

時周人亦以溫叛文公溫相連皆叛

故老子曰窈兮冥兮其中有精

其精甚真其中有信故美言可以市尊美行可以加人

公儀休相魯

公儀休故魯博士也

而嗜魚一國獻魚公儀子不受

其弟子諫曰夫子嗜魚弗受何也答曰夫唯嗜魚故弗

受夫受魚而免於相雖嗜魚不能自給魚毋受魚而不

免於相則能長自給魚此明於為人為己者也故老子

曰後其身而身先外其身而身存非以其無私邪故能

成其私一曰知足不辱孤丘丈人謂孫叔敖曰

丈人老而杖於

者人有三怨子知之乎孫叔敖曰何謂也對曰爵高者

士妬之官大者主惡之祿厚者怨處之孫叔敖曰吾爵
益高吾志益下吾官益大吾心益小吾祿益厚吾施益
博以免三怨可乎故老子曰貴必以賤為本高必以
下為基大司馬捶杓鉤者年八十矣而不失鉤芒捶鍛銀擊

也鉤鈞
鈞也

大司馬曰子巧邪有道邪曰臣有守也臣年二

十好捶鉤於物無視也非鉤無察也是以用之者必假
於弗用也而以長得其用而況持不用者乎物孰不濟
焉故老子曰從事於道者同於道文王砥德修政三年

而天下二垂歸之

張鶴也文王三分天下有其二

紂聞而患之曰余夙

興夜寐與之競行則苦心勞形縱而置之恐伐余一人

崇侯虎曰周伯昌行仁義而善謀太子發勇敢而不疑

中子旦恭儉而知時若與之從則不堪其殃縱而赦之

身必危亡冠雖弊必加於頭及未成請圖之屈商乃拘

文王於羑里

屈商紂臣也羑里地名在河內湯陰

於是散宜生乃以千金

求天下之珍怪得騶虞雞斯之乘

騶虞白虎黑文而仁食自死之獸日行千

里雞斯神鳥也

玄玉百工

二玉為一工也

大貝百朋

五貝為一朋也

玄豹黃熊

青犴

犴胡地野犬犴音岸

白虎文皮干合以獻於紂因費仲而通

費仲紂佞臣也

紂見而說之乃免其身殺牛而賜之文王歸乃

為玉門築靈臺相女童擊鐘鼓

玉門以玉飾門為柱樞也相女童相視之一曰

相匠也

以待紂之失也紂聞之曰周伯昌改道易行吾無

憂矣乃為炮烙剖比干剔孕婦殺諫者文王乃遂其謀

故老子曰知其榮守其辱為天下谷成王問政於尹佚

曰吾何德之行

尹佚史佚也

而民親其上對曰使之時而敬

順之王曰其度安至曰如臨深淵如履薄冰王曰懼哉

王人乎尹佚曰天地之間四海之內善之則吾畜也不
善則吾讎也昔夏商之臣反讎桀紂而臣湯武宿沙之
民皆自攻其君而歸神農

伏羲神農之間有共工宿沙霸天下者也

此世之

所明知也如何其無懼也故老子曰人之所畏不可不
畏也跖之徒問跖曰盜亦有道乎跖曰奚適其無道也
夫意而中藏者聖也入先者勇也出後者義也分均者
仁也知可否者智也五者不備而能成大盜者天下無
之由此觀之盜賊之心必託聖人之道而後可行故老

子曰絕聖棄智民利百倍楚將子發好求技道之士楚有善為偷者往見曰聞君求技道之士臣偷也願以技齎一卒

齎備卒足也

子發聞之衣不給帶冠不暇正出見

禮之左右諫曰偷者天下之盜也何為之禮君曰此非左右之所得與後無幾何齊興兵伐楚子發將師以當之兵三却楚賢良大夫皆盡其計而悉其誠齊師愈強於是市偷進請曰臣有薄技願為君行之子發曰諾不問其辭而遣之偷則夜解將軍之幃帳而獻之子發因

因使人歸之曰卒有出薪者得將軍之帷使歸之於執
事明又復往取其枕子發又使人歸之明日又復往取
其簪子發又使歸之齊師聞之大駭將軍與軍吏謀曰
今日不去楚君恐取吾頭乃還師而去故曰無細而能
薄在人君用之耳故老子曰不善人善人之資也顏回
謂仲尼曰回益矣仲尼曰何謂也曰回忘禮樂矣回忘
禮樂絕聖棄知仲尼曰可矣猶未也異日復見曰回益
入於無為也矣仲尼曰何謂也曰回忘仁義矣仲尼曰可矣猶未也

異日復見曰回坐忘矣

言坐自忘其身以至道也

仲尼造然曰何謂

坐忘顏回曰隳支體黜聰明離形去知洞於化通是謂

坐忘仲尼曰洞則無善也化則無常矣而夫子薦賢

先薦

也丘請從之後故老子曰載營魄抱一能無離乎專氣

至柔能如嬰兒乎秦穆公興師將以襲鄭蹇叔曰不可臣
聞襲國者以車不過百里以人不過三十里為其謀未
及發泄也甲兵未及銳弊也糧食未及乏絕也人民未
及罷病也皆以其氣之高與其力之盛至是以犯敵能

威今行數千里又數絕諸侯之地以襲國臣不知其可也君重圖之穆公不聽蹇叔送師衰經而哭之師遂行過周而東鄭賈人弦高矯鄭伯之命以十二牛勞秦師而賓之三帥乃懼而謀曰吾行數千里以襲人未至而人已知之其備必先成不可襲也還師而去當此之時晉文公適薨未葬先軫言於襄公曰

先軫晉大夫也昔襄公晉文公子

吾先君與穆公交天下莫不聞諸侯莫不知今吾君薨未葬而不弔吾喪而不假道是死吾君而弱吾孤也請

擊之襄公許諾先軫舉兵而與秦師遇於殽大破之擒

其三軍以歸穆公聞之素服廟臨以說於衆

說解也

故老

子曰知而不知尚矣不知而知病也齊王后死王欲置

后而未定使羣臣議薛公欲中王之意

薛公田嬰也

因獻十

珥而美其一旦日因問美珥之所在因勸立以為王后

齊王大說遂尊重薛公故人主之意欲見於外則為人

臣之所制故老子曰塞其兌閉其門終身不勤盧敖游

乎北海

盧敖燕人秦始皇召以為博士使求神仙亡而不反也

經乎太陰入乎玄

闕

大陸地名也玄闕北方之山也

至於蒙穀之上

蒙穀山名

見一士焉深目

而玄鬢淚注而鳶肩

淚水

豐上而殺下軒軒然方迎風而

舞頷見盧敖慢然下其臂逡逃乎碑

慢然止舞也逡逃於碑陰

盧敖

就而視之方倦龜殼而食蛤梨

楚人謂偃為倦龜殼龜中也蛤梨海蚌也

盧

敖與之語曰唯敖為背羣離黨窮觀於六合之外者非

敖而已乎敖幼而好游至長不渝周行四極唯北陰之

未闕今卒睹夫子於是子殆可與敖為友乎若士者蒼

拳然而笑曰噫子中州之民寧肯而遠至此此猶光乎

日月而載列星

言太陽之地尚見日月也

陰陽之所行四時之所生

其比夫不名之地猶突奧也

言我之所游不可命名之地以虛數所行比之則如

突奧與室中也

若我南游乎罔窳

浪之野北息乎沈墨之鄉西

窮宵冥之黨東開鴻濛之先此其下無地而上無天聽

焉無聞視焉無眴

居

此其外猶有汰

太沃之汜

汰沃四海子天

之際水流聲也汜涯也

其餘一舉而千萬里

千萬里之外也

吾猶未能

文在

吾尚未至此地

今子游始於此乃語窮觀豈不亦遠哉然

子處矣吾與汗漫期于九垓之外吾不可以久駐若士

舉臂而竦身遂入雲中盧敖仰而視之弗見乃止駕

止其

所駕之車

止桮

桮

治

楚人謂恨不得為桮治也

悖若有喪也曰吾比夫子

猶黃鵠與蠛蠓也

蠛蠓蟲之幼也

終日行不離咫尺

八寸為咫十寸為尺

而自以為遠豈不悲哉故莊子曰小人不及大人小知

不及大知朝菌不知晦朔

朝菌朝生暮死之蟲也生水狀似蠛蠓一名萐母海南

謂之蟪蛄不知春秋

蟪蛄蟲也

此言明之有所不見也季

子治亶父三年

季子子

而巫馬期絕

問

衣短褐易容貌

往觀化焉見得魚釋之巫馬期問曰凡子所為魚者欲

得也今得而釋之何也漁者對曰季子不欲人取小魚

也

古者魚不盈尺不上俎也

所得者小魚是以釋之巫馬期歸以報

孔子曰季子之德至矣使人閤行若有嚴刑在其側者

季子何以至於此孔子曰丘嘗問之以治言曰誠於此

者刑於彼季子必行此術也故老子曰去彼取此罔兩

問於景

罔兩水之精物也景日月水光各也

曰昭昭者神明也

罔兩恍惚之物見景

光明也

景曰非也罔兩曰子何以知之景曰扶桑受謝

日照宇宙

扶桑日所出之木受謝扶桑受日旦澤出之也

炤炤之光輝燭四海

闔戶塞牖則無由入矣若神明四通並流無所不極上
際於天下蟠於地化育萬物而不可為象俛仰之間而
撫四海之外照照何足以明之故老子曰天下之至柔
馳騁天下之至堅光耀問於無有

光耀可見而無有至虛者

曰子果

有乎其果無有乎

有形生於無形何以能生物故問果有乎其無有也

無有弗應

也光耀不得問而就視其狀貌冥然忽然視之不見其
形聽之不聞其聲搏之不可得望之不可極也光耀曰
貴矣哉孰能至于此乎予能有無矣未能無也

言我能使

形不可得未
能殊無形也

及其為無無又何從至於此哉故老子曰

無有入于無間吾是以知無為之有益也白公勝慮亂

白公將為父復讐
起兵亂因思慮之

罷朝而立到杖策鍛

針也

上貫願

策馬
捶端

有針以刺馬謂之鍛
到杖策故鍛貫願也

血流至地而弗知也鄭人聞之曰

願之忘將何不忘哉

白公之父死鄭人預之故懼之

此言精神之越於

外智慮之蕩於內則不能漏理其形也

漏補
空也

是故神之

所用者遠則所遺者近也

近謂
身也

故老子曰不出戶以知

天下不窺牖以見天道其出彌遠其知彌少此之謂也

秦皇帝得天下恐不能守發邊戍築長城修關梁設障

塞具傳車置邊吏然劉氏奪之如轉閉錘

閉錘格也上錘所以編

薄席反覆之易

昔武王伐紂破之牧野乃封比干之墓表商容

之閭柴箕子之門

紂死箕子亡之朝鮮居空故柴護之也

朝成湯之廟發

鉅橋之粟散鹿臺之財破鼓折枹

浮

弛弓絕絃去舍露

宿以示平易解劒帶笏以示無仇於此天下歌謠而樂

之諸侯執幣相朝三十四世不奪故老子曰善閉者無

關鍵而不可開也善結者無繩約而不可解也尹需學

御三年而無得焉私自苦痛常寢想之

寢堅思之

中夜夢受

秋駕於師

秋駕善御之術

明日往朝師望之謂之曰吾非愛道

於子也恐子不可予也今日教予以秋駕尹需反走北

面再拜曰臣有幸今夕固夢受之故老子曰致虛極

守靜篤萬物並作吾以觀其復也昔孫叔敖三得令尹

無喜志三去令尹無憂色延陵季子吳人願一以為王

而不肯許由讓天下而弗受晏子與崔杼盟臨死地不

變其儀此皆有所遠通也精神通於死生則物孰能惑

之荆有飲

次

非得寶劍於干

寒

隊

干國

在今臨淮出寶劍蓋為吳邪洞邪之

形還反度江至於中流陽侯之波兩蛟夾繞其船

蛟龍屬也

魚滿二千五百斤蛟來為之主也

飲非謂柅船者曰

柅櫂也

嘗有如此而

得活者乎對曰未嘗見也於是飲非瞑目敦然攘臂拔劍曰武士可以仁義之禮說也不可劫而奪也此江中之腐肉朽骨棄劍而已余有奚愛焉赴江刺蛟遂斷其頭船中人盡活風波畢除荆爵為執圭孔子聞之曰夫善載腐肉朽骨棄劍者飲非之謂乎故老子曰夫唯無

以生為者是賢於貴生焉齊人淳于髡以從說魏王魏
王辭之約車十乘將使荆辭而行人以為從未足也復
以衡說其辭若然

從說說諸侯之計當相從也
衡說從之非是當橫更計也

魏王乃

止其行而疏其身失從心志而有不能成衡之事是其
所以固也夫言有宗事有本失其宗本技能雖多不若
其寡也故周鼎著倕而使斲其指先王以見大巧之不
可也故慎子曰匠人知為門能以門所以不知門也故
必杜然後能門

慎子名到齊人不知門不知
門之要也門之要在門外

墨者有田

鳩者欲見秦惠王約車申轅

申東也

留於秦周年不得見

客有言之楚王者往見楚王楚王甚悅之予以節使於

秦至因見予之將軍之節惠王而說之出舍喟然而歎

告從者曰吾留秦三年不得見不識道之可以從楚也

物故有近之而遠遠之而近者故大人之行不掩以繩

掩猶揮也

至所極而已矣此所謂筦子梟飛而維繩者

言為士者

上下無常進退無恒不可繩也以喻飛梟從下繩維之而欲翱翔則不可也

豐水之深千仞

而不受塵垢投金鐵鍼焉則形見於外非不深且清也

魚鼈龍蛇莫肯之歸也是故石上不生五穀禿山不游

麋鹿無所陰蔽隱也昔趙文子問於叔向曰晉六將軍

其孰先亡乎

六將軍韓魏趙范中行知伯也

對曰中行知氏文子曰何

乎對曰其為政也以苛為察以切為明以刻下為忠以

計多為功譬之猶廓革者也廓之大則大矣裂之道也

故老子曰其政悶悶其民純純其政察察其民缺缺景

公謂太卜曰子之道何能對曰能動地

動震也

晏子往見

公公曰寡人問太卜曰子之道何能對曰能動地地可

動乎晏子默然不對出見太卜曰昔我見句星在房心

之間地其動乎

句星客星也房句星守房心則地動也

太卜曰然晏子出

太卜走往見公曰臣非能動地地固將動也田子陽聞

之曰晏子默然不對者不欲太卜之死往見太卜者恐

公之欺也晏子可謂忠於上而惠於下矣故老子曰方

而不割廉而不劌魏文侯觴諸大夫於曲陽飲酒酣文

侯喟然嘆曰吾獨無豫讓以為臣子

豫讓事知伯而死其難故文侯思以

為蹇重舉白而進之

蹇重文侯臣舉白進酒也

曰請浮君

浮猶罰也以酒罰君

君曰何也對曰臣聞之有命之父母不知孝子有道之

君不知忠臣夫豫讓之君亦何如哉

豫讓相其君而君見殺亦何如不足

貴文侯受觴而飲醕不獻

醕盡也

曰無管仲鮑叔以為臣

故有豫讓之功故老子曰國家昏亂有忠臣孔子觀桓

公之廟

桓公魯君

有器焉謂之宥卮

宥在坐右

孔子曰善哉乎得

見此器顧曰弟子取水水至灌之其中則正

中水半其卮中也

其

盈則覆孔子造然革容曰善哉持盈者乎子貢在側曰

請問持盈曰損而損之曰何謂損而損之曰夫物盛而

衰樂極則悲日中而移月盈而虧是故聰明睿智守之以愚多聞博辯守之以儉武力毅勇守之以畏富貴廣大守之以陋德施天下守之以讓此五者先王所以守天下而弗失也反此五者未嘗不危也故老子曰服此道者不欲盈夫唯不盈故能弊而不新成武王問太公曰寡人代紂天下是臣殺其主而下伐其上也吾恐後世之用兵不休鬪爭不已為之奈何太公曰甚善王之間也夫未得獸者唯恐其創之小也

獵禽恐不能殺故恐其創小也

得之唯恐傷肉之多也王若欲久持之則塞民於兌

兌耳

目鼻口也老子曰塞其兌是也

道全為無用之事煩擾之教彼皆樂其

業供其情昭昭而道冥冥於是乃去其茂而載之木

簪被髮也木驚鳥冠也知文者冠驚

解其劒而帶之笏為三年之喪令類

不蕃高辭卑讓使民不爭酒肉以通之竽笙以和之鬼

神以畏之繁文滋禮以弁其質厚葬久喪以亶丹其家

含珠鱗施綸組以貧其財深鑿高壟以盡其力家貧族

少慮患者寡以此移風可以持天下弗失故老子曰化

而欲作吾將鎮之以無名之樸也

淮南鴻烈解卷十二

欽定四庫全書薈要卷一萬一千一百二十八

子部

淮南鴻烈解卷十三

漢高誘注

汜論訓

博說世間古今得失以道為化大歸於一故曰汜論

古者有鑒

謀

而綖領以王天下者矣

古者蓋三皇以前也鑒頭著兜鑒帽

言未知制冠也綖領皮衣屈而紩之如今胡家韋襲反習以為領一說鑒放髮也綖繞頭而已皆無飾也

其

德生而不辱

刑措不用也

予而不奪

予予民財也不奪無所徵求於民也

天下

不非其服同懷其德

非猶譏呵也懷歸也

當此之時陰陽和平風

雨時節萬物蕃息

政不虐生無夭折也

鳥鵲之巢可俯而探也禽

獸可羈而從也

從猶牽也

豈必褰衣博帶句襟委章甫哉

褰衣

謂方與之衣如今吏人之左衣也博帶大帶句襟今之曲領衣也委委貌章甫冠名

古者民澤

處復穴

處居也復穴重穴也一說穴毀隄防崖岸之中以為窟室

冬日則不勝霜雪

霧露夏日則不勝暑熱蜚蜚聖人乃作為之築土構木

以為宮室上棟下宇以蔽風雨

棟屋樑也宇屋之垂

以避寒暑而

百姓安之伯余之初作衣也

伯余黃帝臣世本曰伯余制衣裳一曰伯余黃帝

綖

恬

麻索縷手經指挂其成猶網羅

綖銳索功也

後世為之

機杼勝複以便其用而民得以揜形御寒古者剡耜而

耕摩蜃而耨

剡利也耨市屬蜃大蛤摩令利用之耨耨除苗穢也

木鉤而樵抱甄

而汲

鉤鑠也樵薪蒸甄武今兗州曰小武為甄幽州曰瓦

民勞而利薄後世為之

耒耜耨鋤斧柯而樵桔臯而汲

楸椎三輔謂之僂所以覆種也

民逸而

利多焉古者大川名谷衝絕道路不通往來也乃為窬

俞木方版以為舟航

窬空也方並也舟相連為航也

故地勢有無得相

委輸

運所有輸所無

乃為靽

祖

蹻而超千里肩負僭

軌

之勤也

靽蹻靽靽也勤勞也

而作為之揉輪建輿駕馬服牛民以致遠而

不勞為驚禽猛獸之害傷人而無以禁御也而作為之

鑄金鍛鐵以為兵刃猛獸不能為害故民迫其難則求

其便困其患則造其備人各以其所知去其所害就其

所利常故不可循器械不可因也循隨也當時之則先

王之法度有移易者矣古之制婚禮不稱主人當婚者

稱其名也稱舜不告而娶非禮也立子以長文王舍伯

邑考而用武王非制也伯邑考武王之兄廢長立禮三

十而娶文王十五而生武王非法也三十而娶者陰陽

男從子數左行三十年立於巳女從子數右行二十年亦立於巳合夫婦故聖人因是制禮使男三十而娶女

二十而嫁其男子自己數左行十得寅故人十月而生
於寅男子數從寅起女自己數右行得申亦十月而生
於申故國女子數從申起歲星十二歲而周天天道十二
而備故國君十二歲而冠冠而要十五生子重國嗣也
故不從制夏后氏殯於阼階之上禮飯于牖下小飲於戶內

棺曰柩殯於賓位祖於庭葬於墓也殷人殯於兩楹之
於阼階猶在主位未忍以賓道遠之

間楹柱也記曰殷殯之於堂上兩柱之間賓主共周人殯於西階之上蓋以賓道遠之

此禮之不同者也有虞氏用瓦棺有虞氏舜世也瓦棺陶瓦夏后氏

堅即周長四尺側身累之以蔽土曰堅周殷人用槨用柏

為槨厚之宜周人牆置娶此葬之不同者也周人兼用棺槨故牆

設筵狀如今要扇畫文插置棺車箱以
為飾多少之差各從其爵命之數也

夏后氏祭於閭

於室中中夜祭之也殷人祭於陽

堂上日平旦祭也

周人祭於日出以朝

於日出時祭於庭中朝者庭也

此祭之不同者也堯大章舜九韶禹大

夏湯大濩周武象此樂之不同者也故五帝異道而德

覆天下三王殊事而名施後世此皆因時變而制禮樂

者譬猶師曠之施瑟柱也所推移上下者無寸尺之度

而靡不中音故通於禮樂之情者能作音有本主於中

而以知槩

矩矱約

之所周者也

槩方也度法也

矱

魯昭公有慈

母而愛之死為之練冠故有慈母之服

慈母父所命養己者也此大夫

之妾士之妻謂之女母禮為總麻三月昭公獨練也

陽侯殺蓼侯而竊其夫人故

大饗廢夫人之禮

陽侯陽陵國侯也蓼侯阜陶之後偃姓之國侯也今在廬江古者大饗飲

酒君執爵夫人執豆陽侯見蓼侯夫人美豔因殺蓼侯而娶夫人由是廢致夫人之禮

先王之制

不宜則廢之末世之事善則著之是故禮樂未始有常

也故聖人制禮樂而不制於禮樂

聖人能作禮樂不為禮樂所制

治國

有常而利民為本政教有經而令行為上苟利於民不必法古苟周於事不必循舊夫夏商之衰也不變法而

亡三代之起也不相襲而王故聖人法與時變禮與俗
化衣服器械各因其宜故變古未可非而循俗未足多
也

循隨也

百川異源而皆歸於海百家殊業而皆務於治

王道缺而詩作周室廢禮義壞而春秋作詩春秋學之
美者也皆衰世之造也儒者循之以教導於世豈若三
代之盛哉以詩春秋為古之道而貴之又有未作詩春
秋之時夫道之缺也不若道其全也誦先王之詩書不
若聞得其言聞得其言不若得其所以言

聞聖人之言
不如得其未

言時
本意
得其所以言者言弗能言也
聖人所言微妙凡人雖得之口不能以言

故道可道者非常道也

常道深隱幽冥不可道也猶聖人之言微妙不可言

周公

事文王也行無專制

專獨制斷也

事無由已

請而後行

身若不勝

衣言若不出口有奉持於文王洞洞屬屬如將不能恐

失之

洞洞屬屬婉順貌而將不能勝之恐失之慎之至也

可謂能子矣武王崩成

王幼少周公繼文王之業履天子之籍聽天下之政

籍圖

籍也政治也籍或作昨

平夷狄之亂誅管蔡之罪負扆而朝諸侯

誅賞制斷無所顧問威動天地聲懾海內

懾服也

可謂能

武矣成王既壯周公屬籍致政北面委質而臣事之

以圖

籍付屬成王致猶歸也北面委玉帛之質執臣之禮也

請而後為復而後行無擅

恣之志無伐矜之色可謂能臣矣故一人之身而三變

者所以應時矣何況乎君數易世國數易君人以其位

達其好憎

人人以其寵位行其所好憎其所憎也

以其威勢供嗜欲而欲

以一行之禮一定之法應時偶變其不能中權亦明矣

一行之禮非隨時禮也一定之法非隨時法也

故聖人所由曰道所為曰事道

猶金石一調不更事猶琴瑟每絃改調

金石鐘磬故曰調而不更琴瑟

絃有數急柱有前却故調事亦如之也

故法制禮義者治人之具也而非

所以為治也

言法制禮義可以為治之基耳非所以為治治在其人之德猶弓矢射之具也非能

必中中在故仁以為經義以為紀此萬世不更者也若

乃人考其身才而時省其用雖日變可也

言人能考度其身時省其

行擇其善者而崇用之不必循常故曰雖日變可也唯仁義不可改耳故萬世不更

天下豈有常

法哉當於世事得於人理順於天地祥於鬼神則可以

正治矣

當合也祥順也

古者人醇工龐商樸女重

醇厚不虛華也工龐氣堅

緻也商樸不為詐也女重貞正無邪也

是以政教易化風俗易移也今世德

益衰民俗益薄欲以樸重之法治既弊之民是猶無鎡

銜繁策鑕而御馭馬也

鎡銜口中中央鐵大如雞子中黃所制馬口也鑕揣頭箴也馭馬

窳馬也

昔者神農無制令而民從

無制令結繩以治也

唐虞有制令

而無刑罰

有制令煥乎其有文章其政常仁義民無犯法干誅故曰無刑

夏后氏不負

言言而信也殷人誓

以言語要誓亦不違

周人盟

有事而會不協而盟盟者殺牲歃血以為

信也逮至當今之世忍詢

垢而輕辱貪得而寡羞欲以神

農之道治之則其亂必矣伯成子高辭為諸侯而耕天

下高之今之時人辭官而隱處為鄉邑之下豈可同哉

古之兵弓劒而已矣槽

曹

柔無擊脩戟無別

槽

柔木矛無擊無鐵

刃也刺鋒也

晚世之兵隆衝以攻渠憺以守

隆高也衝所以臨敵城衝突壞

之渠漸也一日渠甲名憺憺所以禦矢也

連弩以射銷車以鬪

連車弩通一絃以牛挽之

以刃著左右為機開發之曰銷車

古之伐國不殺黃口不獲二毛

黃口幼也

二毛有白髮者於古為義於今為笑古之所以為榮者今之所

以為辱也古之所以為治者今之所以為亂也夫神農

伏羲不施賞罰而民不為非然而立政者不能廢法而

治民舜執干戚而服有苗

舜時有苗叛舜執干戚而然舞於兩階之間有苗服從

而征伐者不能釋甲兵而制彊暴由此觀之法度者所以論民俗而節緩急也器械者因時變而制宜適也夫聖人作法而萬物制焉制猶從也賢者立禮而不肖者拘焉拘猶檢也制法之民不可與遠舉拘禮之人不可使應變耳

不知清濁之分者不可令調音心不知治亂之源者不可令制法必有獨聞之耳獨見之明然後能擅道而行矣夫殷變夏周變殷春秋變周變改也三代之禮不同何

古之從大人作而弟子循

循遵也

知法治所由生則應時

而變不知法治之源雖循古終亂今世之法籍與時變
禮義與俗易為學者循先襲業據籍守舊教以為非此
不治是猶持方枘而內員鑿也欲得宜適致固焉則難
矣今儒墨者稱三代文武而弗行是言其所不行也非
今時之世而弗改是行其所非也稱其所是行其所非
是以盡日極慮而無益於治勞形竭智而無補於主也
今夫圖工好畫鬼魅而憎圖狗馬者何也鬼魅不世出
而狗馬可日見也夫存危治亂非智不能道而先稱古

雖愚有餘故不用之法聖王弗行不驗之言聖王弗聽

天地之氣莫大於和和者陰陽調日夜分而生物春分

而生秋分而成生之與成必得和之精故聖人之道寬

而栗嚴而溫柔而直猛而仁

言剛柔寬猛相濟也

太剛則折太柔

則卷聖人正在剛柔之間乃得道之本積陰則沈積陽

則飛陰陽相接乃能成和夫繩之為度也可卷而伸也

引而伸之可直而晞

晞望也

故聖人以身體之夫脩而不

橫短而不窮直而不剛久而不忘者其唯繩乎故思推

則懦懦則不威

推猶移也

嚴推則猛猛則不和愛推則縱縱

則不令

縱放也

刑推則虐虐則無親

虐害也喜害人人無親之

昔者齊

簡公釋其國家之柄而專任其大臣

簡公悼公陽生之子任也一德不解

曰簡大臣陳成子

將相攝威擅勢私門成黨而公道不行故使

陳成田常鴟夷子皮得成其難

難殺簡公之難

使呂氏絕祀而

陳氏有國者

太公姓呂簡公其後也絕祀陳氏代之也

此柔懦所生也鄭子

陽剛毅而好罰

子陽鄭君也一曰鄭相

其於罰也執而無赦舍人

有折弓者畏罪而恐誅則因狎

制

狗之驚以殺子陽

舍人

家臣也國人逐樹狗以亂
擾舍人因之以殺子陽

此剛猛之所致也今不知道

者見柔懦者侵則矜為剛毅見剛毅者亡則矜為柔懦

此本無主於中而見聞舛馳於外者也故終身而無所

定趨

舛乖也安
定趨歸也

譬猶不知音者之歌也濁之則鬱而無

轉

鬱湮也轉
讀作傳

清之則樵而不謳

樵悴也
謳和也

及至韓娥秦青

薛談之謳

三人皆
善謳者

侯同曼聲之歌

二人善歌
一曰曼長

憤於志積

於內盈而發音則莫不比於律而和於人心何則中有

本主以定清濁不受於外而自為儀表也今夫盲者行

於道人謂之左則左謂之右則右遇君子則易道遇小

人則陷溝壑何則目無以接物也

接見也

故魏兩用樓翟

吳起而亡西河

魏文侯任樓翟吳起

他賢秦伐喪其西河之地不用

湣

王專用

淖齒而死于東廟

淖王田常之後代呂氏為齊侯春秋之後僭號稱王淖齒楚將奔齊為臣

淖王無道淖齒殺之擢其筋懸廟門之梁三日而死

無術以御之也文王兩用呂

望召公奭而王楚莊王專任孫叔敖而霸有術以御之

也

孫叔敖楚大夫遂賈伯盈子

夫絃歌鼓舞以為樂盤旋揖讓以修

禮厚葬又喪以送死孔子之所立也而墨子非之兼愛

上賢右鬼非命墨子之所立也而楊子非之

兼三老五更

愛選士大射是以上賢宗祀嚴父是以右鬼右猶尊也順四時而行是以非命

金性保真不以

物累形楊子之所立也而孟子非之

全性保真謂不拔

為不以物累已身形也

趨捨人異各有曉心故是非有處得其處

則無非失其處則無是丹穴太蒙反踵空同大夏北戶

奇肱脩股之民是非各異習俗相反

丹穴南方當日下之地太蒙西方日

所入處也反踵國名其人南行武迹北向空同戴勝極下之地大夏在西方北戶在南方奇肱脩股之民在西

南方凡此八者皆九州之外八寅之域者也

君臣上下夫婦父子有以相使

也此之是非彼之是也此之非非彼之非也

此近諭諸華也彼遠

諭八寅也於諸華所是八寅所非而廢也於諸華所非八寅所是而行也

譬若斤斧椎鑿之

各有所施也禹之時以五音聽治懸鐘鼓磬鐸置鞀以待

四方之士為號曰教寡人以道者擊鼓

道和陰陽鼓一聲以調五音故

擊之諭寡人以義者擊鐘

鐘金也義者斷割故擊之

告寡人以事者振

鐸

鐸鈴金口木舌合為聲事者非一品故振之

語寡人以憂者擊磬

磬石也聲急憂

亦急務故擊之

有獄訟者搖鞀

獄亦訟一辯於事故取小鞀搖也

當此之時一

饋而十起一沐而三捉髮

饋者食也

以勞天下之民

勞猶此憂也

而不能達善効忠者則才不足也秦之時高為臺榭大

為苑囿遠為馳道鑄金人

秦皇帝二十六年初兼天下有長人見於臨洮其高五丈

足迹六尺放寫其形鑄金人以象之翁仲君何是也

發適戍入芻橐

戍守長城也入芻橐之稅

以供國用頭會箕賦輸於少府

頭會隨民口數人責其稅箕賦似箕然歛民財多取意也

少府官名如今之司農也

丁壯丈夫西至臨洮狄道

臨洮隴西之縣洮水出北狄道

漢陽之縣東至會稽浮石

會稽山名浮石隨水高下言不沒皆在遼西界一說會稽山在太山

下封于太山禪於會稽是也會稽或作滄海

南至豫章桂林

豫章豫章郡桂林鬱林郡北

至飛狐陽原

飛狐蓋在代郡南飛狐山也陽原蓋在太原或曰代郡廣昌東五沅門是也

道

路死人以溝量

言溝也

當此之時忠諫者謂之不祥而道

仁義者謂之狂逮至高皇帝存亡繼絕

漢高祖劉季也

舉天下

之大義身自奮袂執銳以為百姓請命于皇天

執利兵伐無道

以求百姓之命祈之於皇天也

當此之時天下雄雋豪英暴露于野澤

才過千人為雋百人為豪萬人為英

前蒙矢石而後墮谿壑出百死而給

代

一生以爭天下之權

墮入也給至也

奮武厲誠以決一旦之

命當此之時豐衣博帶而道儒墨者以為不肖

言尚武也逮

至暴亂已勝海內大定繼文之業立武之功

繼文王受命之業武

王誅無履天子之圖籍造劉氏之貌冠

高祖於新豐所作竹皮冠也一

曰委貌冠總鄒魯之儒墨通先聖之遺教戴天子之旗乘大

路建九旂撞大鐘擊鳴鼓奏咸池揚干戚

周禮天子五路大路上路

也王者功成作樂故撞鍾擊鼓咸池黃帝樂干楯戚斧也春夏舞者所執

當此之時有立武

者見疑一世之間而文武代為雌雄有時而用也今世

之為武者則非文也為文者則非武也文武更相非而

不知時世之用也此見隅曲之一指而不知北極之廣

大也

隅曲室中之區隅言狹小八極八方之極言廣大也

故東面而望不見西牆

南面而視不覩北方唯無所嚮者則無所不通

無所向則可以

見四方也

國之所以存者道德也家之所以亡者理塞也

道理

也堯無百戶之郭舜無置錐之地以有天下禹無十人

之衆湯無七里之分以王諸侯文王處岐周之間也地

方不過百里而立為天子者有王道也夏桀殷紂之盛

也人跡所至舟車所通莫不為郡縣然而身死人手而

為天下笑者有亡形也故聖人見化以觀其徵

徵成也

德

有盛衰風先萌焉

風氣也萌見也

故得王道者雖小必大有亡

形者雖成必敗夫夏之將亡太史令終古先奔於商三
年而桀乃亡殷之將敗也太史令向藝先歸文王其年
而紂乃亡

終古向藝
二賢人名

故聖人之見存亡之迹成敗之際

也非乃鳴條之野甲子之日也

湯伐桀禽於鳴條武
王誅紂以甲子剋之

今

謂彊者勝則度地計衆富者利則量粟稱金若此則千
乘之君無不霸王者而萬乘之國無不破亡者矣存亡
之迹若此其易知也愚夫蠢婦皆能論之趙襄子以晉
陽之城霸智伯以三晉之地擒湣王以大齊亡

為湣齒
所殺也

田單以即墨有功

燕伐齊而滅之得七十城唯即墨未下田單以市吏率即墨市民以擊燕

師破之

故國之亡也雖大不足恃道之行也雖小不可輕

由此觀之存在得道而不在於大也亡在失道而不在於小也詩云乃眷西顧此惟與宅言去殷而遷于周也

紂治朝歌在東文王國於岐周在西天乃眷然顧西土此唯居周言我宅也

故亂國之君務

廣其地而不務仁義務高其位而不務道德是釋其所

以存而造其所以亡也故桀囚於焦門而不能自非其

所行而悔不殺湯於夏臺

臺或作宮

紂拘於宣室而不反其

過而悔不誅文王於羑里二君處彊大勢位修仁義之道湯武救罪之不給何謀之敢當若上亂三光之明下失萬民之心雖微湯武孰弗能奪也今不審其在已者而反備之于人

言不慎行已之德而乃反備天下之人來誅也

天下非一湯武

也殺一人則必有繼之者也且湯武之所以處小弱而能以王者以其有道也桀紂之所以處彊大而見奪者以其無道也今不行人之所以王者而反益已之所以奪是趨亡之道也武王尅殷欲築宮於五行之山

五行山今

太行山也 周公曰不可夫五行之山固塞險阻之地也使

德能覆之則天下納其貢職者迴也

迴迂難也迴或

使

我有暴亂之行則天下之伐我難矣

周公言我有暴亂之行則天下當來

伐我無為於五行之山使天下來伐我者難也言其依德不恃險也

此所以三十六世而

不奪也周公可謂能持滿矣

滿而不溢也

昔者周書有言曰

周史之書

上言者下用也下言者上用也

用可否相濟也

上言者常

也

為君常也

下言者權也此存亡之術也

權謀也謀度事宜不失其道也

唯

聖人為能知權言而必信期而必當天下之高行也直

躬其父攘羊而子證之尾生與婦人期而死之

尾生魯人與婦

人期於梁下水至溺死也

直而證父信而溺死雖有直信孰能貴之

夫三軍矯命過之大者也秦穆公與兵襲鄭過周而東

以兵伐國不擊鼓密聲曰襲周者王城也

鄭賈人弦高將西販牛道遇秦師

於周鄭之間乃矯鄭伯之命犒以十二牛賓秦師而却

之以存鄭國

非君命也而稱君命曰犒酒肉曰饗牛羊曰犒芬其指犒也秦師曰行千里而襲之

遠主有備而師無繼不如還遂還師而去也故曰却之

故事有所至信反為過誕

反為功何謂失禮而有大功昔楚恭王戰於陰陵

恭王與晉

屬戰於陰陵呂鉤射楚恭王中厥目而擒之過而能改故曰恭也

潘厓養由基黃衰微

公孫丙相與篡之

四子楚大夫篡晉救恭王衰讀微微讀救

恭王懼而失體

威儀不如常坐不能起也

黃衰微舉足蹙楚

促其體恭王乃覺怒其失

禮奮體而起四大夫載而行

失禮謂舉足蹙君也

昔蒼吾繞娶妻

而美以讓兄此所謂忠愛而不可行者也

蒼吾統孔子時人

是

故聖人論事之局曲直與之屈伸偃仰無常儀表時屈

時伸卑弱柔如蒲韋非攝奪也剛強猛毅志厲青雲非

本矜也以乘時應變也夫君臣之接屈膝卑拜以相尊

禮也至其迫於患也則舉足蹙其體天下莫能非也是

故忠之所在禮不足以難之也孝子之事親和顏卑體

奉帶運履

運正迴也

至其溺也則捽其髮而拯

拯升也出溺曰拯

非

敢驕侮以救其死也故溺則捽父祝則名君

孟子曰祝而不可拯

是豺狼也而況父兄乎故溺則拯之祝則名君周人以諱事神敬之至也

勢不得不然也此

權之所設也故孔子曰可以共學矣而未可以適道也

可與適道未可以立也可以立未可與權權者聖人之

所獨見也故忤而後合者謂之知權

忤逆不合也權因事制宜權量輕重

無常形勢能合醜反善合
於宜適故聖人獨見之也合而後舛者謂之不知權不

知權者善反醜矣故禮者實之華而偽之文也方於卒

迫窮遽之中也則無所用矣是故聖人以文交於世而

以實從事於宜不結於一迹之塗凝滯而不化是故敗

事少而成事多號令行于天下而莫之能非矣結猶狴

狴知往而不知來狴狴北方獸名人面獸身黃色禮記曰狴狴能言不離走獸見人往走則

知人姓字又嗜酒人以酒搏之飲乾干鵠知來而不知

往乾鵠鵠也人將有來事憂喜之徵則鳴此修短之分

也昔者萇弘周室之執數者也

萇弘周景王之大夫數歷術也

天地之

氣日月之行風雨之變律歷之數無所不通然而不能

自知車裂而死

晉范中行氏之難以畔其君也周劉氏與晉范氏世為婚姻萇弘事劉文公故

周人助范氏至敬王二十八年晉人諫周周為殺萇弘以釋之

蘇秦匹夫徒走之人也

韞躋羸蓋經營萬乘之主服諾諸侯然不自免於車裂

之患

蘇秦洛陽人羸囊也蓋步蓋也蘇秦相趙趙封之為武安君初帶羸囊擔步蓋歷說萬乘之君合

山東之從利病之勢無所不下使諸侯服從無有不服諾者

徐偃王被服慈惠身行

仁義陸地之朝者三十二國然而身死國亡子孫無類

偃王於衰亂之世修行仁義不設武備楚王滅之

大夫種輔翼越王句踐而為

之報怨雪恥擒夫差之身開地數千里然而身伏屬鏤

而死

種佐句踐報怨於吳王夫差獲千里之地而越王終已疑之賜其屬鏤以死屬鏤利劍也

此皆

達於治亂之機而未知全性之具者故長弘知天道而

不知人事蘇秦知權謀而不知禍福徐偃王知仁義而

不知時大夫種知忠而不知謀

不知為身謀也

聖人則不然論

世而為之事權事而為之謀是以舒之天下而不窕內

之尋常而不塞

不窕在大能大也八尺曰尋倍尋曰常在小能小不塞急也

使天下

荒亂禮義絕綱紀廢彊弱相乘力征相攘臣主無差貴

賤無序甲冑生蟣虱

乘加也攘平除生蟣虱不離體也

燕雀處帷幄而

兵不休息

幄幕也處猶巢也

而乃始服屬吏之貌

謹也

恭儉之禮

則必減抑而不能興矣天下安寧政教和平百姓肅睦

上下相親而乃始立氣矜奮勇力則必不免於有司之

法矣是故聖人者能陰能陽能弱能彊隨時而動靜因

資而立功物動而知其反事萌而察其變化則為之象

運則為之應是以終身行而無所困故事有可行而不

可言者有可言而不可行者有易為而難成者有難成而易敗者所謂可行而不可言者趨舍也可言而不可行者偽詐也易為而難成者事也難成而易敗者名也此四策者聖人之所獨見而留意也納寸而伸尺聖人為之小枉而大直君子行之周公有殺弟之累齊桓有爭國之名然而周公以義補缺謂翼成王以致太平七年歸政北面為臣桓公以功滅醜立九合一匡之功以滅爭國之惡也而皆為賢今以人之小過揜其大美則天下無聖王賢相矣故目中有疵不

害於視不可灼也

疵贅灼
燃也

喉中有病無害於息不可鑿

也

鑿穿也

河上之丘冢不可勝數猶之為易也

言河上本
非丘壘之

處有易之猶多以大言之
也以諭萬事多覆於少也

水激興波高下相臨差以尋

常猶之為平

雖有激波猶以為平平者多也猶橘柚冬
生人曰冬死者衆也薺麥夏死人曰夏生

者多也

昔者曹子為魯將兵三戰不勝亡地千里使曹子

計不顧後足不旋踵刎頸於陳中則終身為破軍擒將
矣然而曹子不羞其敗恥死而無功柯之盟榆三尺之
刃造桓公之胷三戰所亡一朝而反之勇聞于天下功

立於魯國

復汶陽之田也

管仲輔公子糾

糾

而不能遂

遂成也

不

可謂智遁逃走不死其難不可謂勇束縛桎梏不諱

其恥不可謂貞當此三行者布衣弗友人君弗臣

布衣之士

不以爲益友也人君不以爲義臣也

然而管仲免於累紲之中立齊國之

政九合諸侯一匡天下使管仲出死捐軀不顧後圖豈

有此霸功哉今人君論其臣也不計其大功總其畧行

而求小善則失賢之數也

畧大也小善忠也數術也

故人有厚德無

問其小節而有美譽無疵其小故夫牛蹠之涪不能生

鱣鮪

鱣大魚長丈餘細鱗黃首白身短頭口在腹下鮪大魚亦長丈餘仲春二月從西河上得過龍門便

為龍而蜂房不容鵠卵

房巢也

小形不足以包大體也夫人

之情莫不有所短誠其大畧是也雖有小過不足以為

累若其大畧非也雖有閭里之行未足大舉夫顏涿聚

梁父之大盜也

梁父齊邑

而為齊忠臣段干木晉國之大駟

祚

也而為文侯師

駟驕也言魏國之大僧也

孟卯妻其嫂有

五子焉然而相魏寧其危解其患

孟卯齊人也及為魏臣能安其危解其患

也戰國策曰芒卯也

景陽淫酒被髮而御於婦人威服諸侯

景陽楚將

此四人者皆有所短然而功名不滅者其畧得也

畧猶道也

季襄陳仲子立節抗行不入洿君之朝不食亂世之食

遂餓而死

季襄魯人孔子弟子陳仲子齊人孟子弟子居於陵

不能存亡接絕者

何小節伸而大畧屈

伸用屈廢也

故小謹者無成功訾行者

不容於衆

好拚人之善揚人之短訾毀人行自獨卑藏衆人所疾而不容之也一說訾毀也行有毀

缺者不爲衆人所容

體大者節疏踈距者舉遠

疏長踈足距大也

自古及

今五帝三王未有能全其行者也故易曰小過亨利貞

言人莫不有過而不欲其大也夫堯舜湯武世主之隆

也齊桓晉文五霸之豪英也然堯有不慈之名

天下不以予子

丹朱舜有卑父之謗

瞽叟降在庶人

湯武有放弑之事

殷湯放桀南巢周武

紂五霸有暴亂之謀

齊桓晉文宋襄楚莊秦穆

德未能純皆有爭奪之驗

是故

君子不責備於一人方正而不以割廉直而不以切博

通而不以訾文武而不以責

文武備具而不責備於人也

求於一人

則任以人力

任其力所能任也

自修則以道德責人以人力易

償也自修以道德難為也難為則行高矣易償則求贍

矣夫夏后氏之璜不能無考

半圭曰璜夏后氏之珍玉也考瑕釁也

明月

之珠不能無類

夜光之珠有似月光故曰明月類譬若絲之結類也

然而天下寶

之者何也其小惡不足妨大美也今志人之所短而忘

人之所修而求得其賢於天下則難矣夫百里奚之飯

牛伊尹之負鼎

伊尹負鼎俎調五味以干湯卒為賢相

太公之鼓刀

太公河內

汲人有屠釣之困

甯戚之商歌其美有存焉者矣衆人見其位

之卑賤事之洿辱而不知其大畧以為不肖及其為天

子三公而立為諸侯賢相乃始信於異衆也夫發于鼎

俎之間出于屠酤之肆

肆列也

解于累紕之中興于牛領

合之下洗之以湯沐弗之以燿灌火立之于本朝之

上倚之于三公之位

燿火取火於日之官也周禮司燿掌行火之政令火所以被除不祥

也立置也本朝國朝也

內不慙於國家外不愧於諸侯符勢有以

內合

於內合於君

故未有功而知其賢者堯之知舜功成事立

而知其賢者市人之知舜也為是釋度數而求之於朝

肆草莽之中其失人也必多矣

為上自任耳目聰明以得賢人之故不復用度

量之術取人而亟求賢於朝肆之列草莽之中失賢人必多矣何可言求賢也

何則能効其求

而不知其所以取人也夫物之相類者世主之所亂惑

也嫌疑肖象者衆人之所眩耀

肖象似也

故很者類知而非

知很者自用像有知非真

愚者類仁而非仁

愚者不能斷割有似於仁非真仁也

戇

者類勇而非勇

戇者不知畏危難有似於勇非真勇

使人之相去也若玉

之與石美之與惡則論人易矣夫亂人者芎藭之與藁

本也蛇牀之與麋蕪也此皆相似者

言其相類但其芳臭不同猶小人類

君子但其仁與不仁異也

故劒工惑劒之似莫邪者唯歐冶能名其

種歐冶良工也

玉工眩玉之似碧盧者唯猗頓不失其情

盧碧

或云碣硃猗頓魯之富人能知玉理不失其情也

闇主亂于姦臣小人之疑君

子者唯聖人能見微以知明故蛇舉首尺而脩短可知

也象見其牙而大小可論也薛燭庸子見若狐甲於劍

而利鈍識矣薛齊邑燭庸氏子通利劍史兒易牙溜澠之水合者嘗

一哈惡水如甘苦知矣史兒易牙皆齊之知味者也哈口也故聖人之論

賢也見其一行而賢不肖分矣孔子辭廩丘終不盜刀

鉤康丘齊邑齊景公養孔子以言未見從道未得行不欲虛祿辭而不受故不復利人刀鉤也許由

讓天子終不利封侯許由隱者陽城人竟欲以天下與之洗耳而不就故未嘗

灼而不敢握火者見其有所燒也未嘗傷而不敢握刃

者見其有所害也由此觀之見者可以論未發也而觀
小節足以知大體矣故論人之道貴則觀其所舉富則
觀其所施窮則觀其所不受賤則觀其所不為貧則觀
其所不取視其更難以知其勇動以喜樂以觀其守委
以財貨以論其仁振以恐懼以知其節則人情備矣古
之善賞者費少而勸衆善罰者刑省而姦禁善予者用
約而為德善取者入多而無怨趙襄子圍於晉陽罷圍
而賞有功者五人高赫為賞首左右曰晉陽之難赫無

大功今為賞首何也

智伯求地於趙襄子不與智伯率韓魏以圍之三月不克趙氏之臣

張孟談潛與韓魏通謀反智伯而殺之張孟談之力也

襄子曰晉陽之圍寡人社

稷危國家殆羣臣無不有驕侮之心唯赫不失君臣之禮故賞一人而天下為忠之臣者莫不願忠於其君此賞少而勸善者衆也齊威王設大鼎於庭中而數無鹽令曰子之譽日聞吾耳察子之事田野蕪倉廩虛囹圄實子以姦事我者也乃烹之齊以此三十二歲道路不拾遺此刑省姦禁者也秦穆公出遊而車敗右服失馬

服中失馬

野人得之穆公追而及之岐山之陽野人方屠而

食之穆公曰夫食駿馬之肉而不還飲酒者傷人吾恐

其傷汝等徧飲而去之處一年與晉惠公為韓之戰

處一

年者謂飲食肉人酒之明年也晉惠公夷吾倍秦納已之賂秦興兵伐晉戰於晉地韓原也

晉師圍

穆公之車梁由靡扣穆公之驂獲之

梁由靡晉大夫扣猶牽也將獲穆公

食馬肉者三百餘人皆出死為穆公戰於車下遂克晉

虜惠公以歸此用約而為德者也齊桓公將欲征伐甲

兵不足令有罪者出犀甲一戟

犀甲取其堅也戟車戟也長大六尺犀或作三

直出三甲也有輕罪者贖以金分輕小也以金分出金隨罪輕重有分兩也訟而

不勝者出一束箭箭十二為束也百姓皆說乃矯箭為矢治箭之并

也好者鑄金而為刃刃五刃也刀劍矛戟矢也以伐不義而征無道遂

霸天下此入多而無怨者也故聖人因民之所喜而勸

善因民之所惡而禁姦故賞一人而天下譽之罰一人

而天下畏之故至賞不費至刑不濫孔子誅少正卯而

魯國之邪塞少正官卯其名也魯之諂人孔子相魯七日誅之於東觀之下子產誅鄧

析而鄭國之姦禁鄧析詭辯姦人之雄也子產誅之故姦禁以近諭遠以小

知大也故聖人守約而治廣者此之謂也天下莫易於

為善而莫難於為不善也

為善淨身無欲信仁而已順其天性故易為不善貪欲無

厭毀人自成戾其天性故難

所謂為善者靜而無為也所謂為不善

者躁而多欲也適情辭餘無所誘惑循性保真無變於

已故曰為善易越城郭踰險塞姦符節盜管金篡弑矯

誣非人之性也故曰為不善難

姦私亦盜也符節成信也而盜取之管牴籥金

印封亦所以為信也固閉藏也篡弑下謀上也矯擅今作君命誣以惡覆人也皆非人本所受天之善性也

人所以犯囹圄之罪而陷於刑戮之患者由嗜慾無厭

不循度量之故也何以知其然天下縣官法曰發墓者

誅竊盜者刑此執政之所司也夫法令者網其姦邪勒

率隨其蹤跡

勒主問吏也

無愚夫蠢婦皆知為姦之無脫也

犯禁之不得免也然而不材子不勝其欲蒙死亡之罪

而被刑戮之羞然而立秋之後司寇之徒繼踵於門而

死市之人血流於路何則惑於財利之得而蔽於死亡

之患也夫今陳卒設兵兩軍相當將施令曰斬首拜爵

而屈撓者要斬然而隊階之卒皆不能前遂斬首之功

遂成也

而後被要斬之罪是去恐死而就必死也故利害之反禍福之接不可不審也事或欲之適足以失之或避之適足以就之楚人有乘船而遇大風者波至而自投於水非不貪生而畏死也感於恐死而反忘生也故人之嗜慾亦猶此也齊人有盜金者當市繁之時至掇而走勒問其故曰而盜金於市中何也

繁衆也故猶意也而汝也對

曰吾不見人徒見金耳志所欲則忘其為矣是故聖人審動靜之變而適受與之度理好憎之情和喜怒之節

夫動靜得則患弗過也受與適則罪弗累也好憎理則
憂弗近也喜怒節則怨弗犯也故達道之人不苟得不
讓福其有弗棄非其有弗索常滿而不溢恒虛而易足

虛無
欲也

今夫雷

溜

水足以溢壺

渴

而江湖不能實漏卮

故人心猶是也自當以道術度量食充虛衣御寒則足
以養七尺之形矣若無道術度量而以自儉約則萬乘
之勢不足以為尊天下之富不足以為樂矣孫叔敖三
去令尹而無憂色爵祿不能累也荆欽非兩蛟夾繞其

船而志不動怪物不能驚也聖人心平志易精神內守
物莫足以惑之夫醉者俛入城門以為七尺之閨也超
江淮以為尋常之溝也酒濁其神也怯者夜見立表以
為鬼也見寢石以為虎也懼拚其氣也

揜奪也

又况無天

地之怪物乎夫雌雄相接陰陽相薄羽者為雛鷺

扣毛

者為駒犢柔者為皮肉堅者為齒角人弗怪也水生蠃

籠

蜣

甚

山生金玉人弗怪也老槐生火久血為燐

璘

人

弗怪也

血精在地暴露百日則為
燐遙望炯炯若熾火也

山出噪

交

陽

噪陽山
精也人

形長大面黑色身有毛若反踵見人而笑

水生罔象

水之精也國語曰龍罔象也

水生畢

方

木之精也狀如鳥青色赤脚一足不食五穀

井生墳羊

土之精也魯季子穿井獲土缶其中

有羊是也

人怪之聞見鮮而識物淺也天下之怪物聖人之

所獨見利害之反覆知者之所獨明達也同異嫌疑者

世俗之所眩惑也夫見不可布於海內聞不可明於百

姓是故因鬼神機祥而為之立禁

機祥吉凶也禁戒也

總形推類

而為之變象何以知其然也世俗言曰饗大高者而晁

為上牲

大高祖也一曰上帝

葬死人者裘不可以藏相戲以刃者

太祖

輔

其肘

也 輔 擠

枕石

櫛

而卧者鬼神蹠其首此

皆不著於法令而聖人之所不口傳者也夫饗大高而彘

為上牲者非彘能賢於野獸麋鹿也而神明獨饗之何

也以為彘者家人所常畜而易得之物也故因其便以

尊之裘不可以藏者非能其綿綿曼帛溫煖於身也世

以為裘者難得貴賈之物也

曼帛細帛也裘狐之屬也故曰貴賈之物

而不

可傳於後世無益於死者而足以養生故因其資以讐

之

資用也讐忌也

相戲以及太祖輔其肘者夫以及相戲必為

過失過失相傷其患必大無涉血之讐爭忿鬪而以小

事自內於刑戮愚者所不知忌也故因太祖以累其心

累恐也

枕戶構而卧鬼神履其首者使鬼神能玄化則不

待戶牖之行若循虛而出入則亦無能履矣

虛孔竅也

夫戶

牖者風氣之所從往來而風氣者陰陽粗瑳

角

者也離

者必病

離遭也

故託鬼神以伸誠之也凡此之屬皆不可

勝著於書策竹帛而藏於官府者也故以機祥明之為

愚者之不知其害乃借鬼神之威以聲其教所由來者

遠矣而愚者以為機祥而很者以為非唯有道者能通其志今世之祭井竈門戶箕箒臼杵者非以其神為能饗之也恃賴其德煩苦之無已也是故以時見其德所以不忘其功也觸石而出膚寸而合不崇朝而雨天下者唯太山崇終也旦至食時為終朝也赤地三年而不絕流澤及百里而潤草木者唯江河也是以天子秩而祭之故馬免人於難者其死也葬之牛其死也葬以大車為薦牛馬有功猶不可忘又况人乎此聖人所以重仁襲恩

襲亦重累

故炎帝於火而死為竈

炎帝神農以火德王天下死託祀於竈神

禹勞天下

而死為社

勞天下謂治水之功也託祀於后土之神

后稷作稼穡而死為稷

稷周棄也

羿除天下之害而死為宗布此鬼神之所以立

羿堯

時之諸侯河伯溺殺人羿射其左目風伯壞人屋室羿射中其膝又誅九嬰冥竈之屬有功於天下故死託祀於宗布祭田為宗布謂出也一日今人室中所祀之宗布是也或曰司命傍布也

北楚有任俠

者其子孫數諫而止之不聽也縣有賊大搜其廬事果發覺夜驚而走追道及之其所施德者皆為之戰得免而遂反語其子曰汝數止吾為俠今有難果賴而免身


而諫我不可用也知所以免於難而不知所以無難論
事如此豈不惑哉宋人有嫁子者告其子曰嫁未必成
也有如出不可不私藏私藏而富其於以復嫁易其子
聽父之計竊而藏之君公知其盜也逐而去之其父不
自非也而反得其計知為出藏財而不知藏財所以出
也為論如此豈不勃哉今夫僦楚載者救一車之任極
一牛之力為軸之折也有如轅軸其上以為造不知轅
軸之趣軸折也楚王之佩玦而逐菟兔為走而破其玦

也因佩兩珌以為之豫兩珌相觸破乃逾疾亂國之治
有似於此夫鵠目大而睡不若鼠蚺足衆而走不若蛇
物固有大小不若小衆不若少者及至夫彊之弱弱之彊
危之安存之亡也非聖人孰能觀之大小尊卑未足以
論也唯道之在者為貴何以明之天子處於郊亭則九
卿趨大夫走坐者伏倚者齊當此之時明堂太廟懸冠
解劔緩帶而寢非郊亭大而廟堂狹小也至尊居之也
天道之貴也非特天子之為尊也所在而衆仰之夫蟄

蟲鵲巢皆嚮天一者至和在焉爾帝者誠能包稟道合
至和則禽獸草木莫不被其澤矣而况兆民乎



淮南鴻烈解卷十三



總校官庶吉士臣侍朝

校對官助教臣金學詩

謄錄監生臣徐士俊